

古本傷寒論

卷上

凡例

瀏陽劉瑞澍仲邁校讐

一、按古本傷寒雜病論十六卷。自晉大醫令王叔和搜采舊論。遺文時已散佚。今所刊行。爲張傳秘本十六卷。首尾完具。仍復舊觀。茲沿寫本舊名。曰古本傷寒雜病論。

二、世傳傷寒論。以宋林億校本爲最古。故據林本爲通行本。其餘箋疏各家。擅有更變刪削。益亂舊觀。悉不引據。

三、凡古本經文全條爲通行本所無者。注通行本佚四字於各條之下。

四、凡古本經文一句或一字。爲通行本所無者。注通行本缺四字於各該字句之下。以清眉目。

五、凡古本經文較通行本字句不通之處。以古本正通行本之誤。所改之字曰訂正。所加之字曰增。所減之字曰刪。每篇之後。各總其數曰計訂正若干字。增若干字。刪若干字。一卷有數篇者。更綜計全卷各篇之數。附於卷尾。

六、有全條字句古本爲通行本所錯亂者。隨字句注明外。並低格錄通行本條文於後。以便對勘。

古本傷寒雜病論序一

嘗聞故族兄月秋言。傷寒論。濟世之書也。宜讀之。余以志不在醫。雖留意未之鑽研。辛未春。共匪既平。流亡將復。而雨暘失序。寒燠不時。懼荒亂之後。疾疫之賊。吾民也。感求預防之策。得古本傷寒雜病論。蓋劉崑湘先生之所藏也。先生得之異人。授於劉仲邁君。秘之枕中久矣。乃請於仲邁。出之。則全書十六卷。加於常本三之二。展而讀之。亦得其解。如聘醫顧問焉。然後嘆爲古今壽世奇書。轉惜其出之之晚。且徵故族兄月秋之言爲足取耳。軍政餘暇。輒寫數頁。積久既竣。將付印。乃爲之言曰。傷寒論之爲經。歷二千年。註者甚衆。從無所謂古本者。突出而余信之。非偶然也。其文古而雋。其義精而約。其法周而密。其用藥立方。純一而不雜。信非後人所能增減矣。且孔門心法。今有傳人。道家秘籙。今得正解。天將啓萬古之秘鑰。以仁壽斯民也。是書之出。不亦宜乎。民國二十一年壬申春月醴陵何鍵芸樵序。

古本傷寒雜病論序二

古本傷寒雜病論者。蓋今之壁經。而長沙之舊文也。同邑宗人岷湘先生。初受書於隱君子張老。以轉授余。其後十餘年。一日。岷湘示張老寄余書云。且來約以時相見。因偕岷湘如期造謁。遂得受教於逆旅中。自是數年。時往來於洞庭湘水之間。請益析疑。章梳句櫛。尋波討源。結轡盡解。一日。忽將別去。涕泣請留。不得。殷勤付囑。命詮次師傳。匯岷湘昔所尊聞者。成義疏。以演論旨。曰。此真長沙舊文也。道之將廢。塵封至今。人能宏道。匪道宏人。復爲贈言之歌。曰。千歲以胥。我傳子疏。聖作明述。吾友吾徒。遂不復見。嗚呼。其乘願之大士乎。其長沙之後身乎。斯道之不亡。亦云幸矣。岷湘年已垂老。每督余成書。以傳強學。余懼夫勤焉而力不至。且欲待。既竭吾才。乃誦所聞。以公諸世。今者醴陵何公。有意乎斯道之傳。發願創長沙國醫學院。以成中興絕學之業。復以政暇。手寫論文。印行流布。囑爲導言釋論例。以供海內明達研討之助。

余惟古聖立言。例隨文見。論文十六卷。首脈法。以示診要。次序例。明運氣方宜。立傷寒傳經正治之法。次則暑濕燥熱溫瘧霍亂。各有專篇。次乃演六經本病壞病。以究病變喻活法一貫之旨。終之以可與不可用。示醫律。其書統百病之綱。詳奇經之治。以平脈辨症。見病知源爲宗。通其旨者。無不可舉一法以概諸凡。散萬殊而約於一成。國醫診斷之學。以詔萬世。尤以脈學最爲詳審。發軒岐不傳之奧。將欲稍釋論例。以暢厥旨。非萬言不足約其綱要。以汗青之速也。爰爲略述緣起。以紀壁經授受之由。世或以法言之象論語。太玄之擬周易爲類。盍究夫醫之爲道。真理實效。卽事可驗。豈同談天雕龍。堅白異同之說。可以意騁其辭哉。眞僞之辨。好學深思之士。當自得之。太歲在玄默。涪灘孟陬之月。瀏陽劉瑞澍仲邁序於天潛閣。

古本傷寒雜病論序三

余自少體弱多病。爲父母所偏憐。讀書從其意所好。不設程限。性喜汎覽。不以疲困

自休。既弱冠。得歧黃扁張之書。尤篤好之。每苦其奇奧難通解。於人有誦及四聖之言者。無不就而問也。於書有涉及四聖之言者。無不求而觀也。先母之喪。以求葬地。漫遊江西。於山谷中。遇一人曰張老。皓然而丹顏。岸然類有道者。卽與傾談。遂及醫術。質以平生疑滯。應口疏通。余大駭服。張老亦深喜。余精審善問。且曰。吾樂山林。不與人接久矣。家有古本傷寒雜病論。與世所傳異。長沙舊文也。目前無可授者。今以授君。與君邂逅。亦前緣也。余謹受而讀之。乃知今本訛脫錯亂。注者紛紛數十家。而其理愈晦。亦何怪其然哉。余得此書。鑽研益勤。其於病也。猶執規矩以御方圓。不眩於心矣。而未嘗輒以示人。人亦囿於所習。自不省也。惟吾友劉君仲邁。一見而歎爲千古奇書。仲邁才高而學博。獨具卓識如此。於是吾兩人者。朝讀而暮思。欲遂窮其底蘊。往往窒極而遂通。若有鬼神者。爲之助焉。積十餘年。所發揮益多。余嘗欲整次其語。以爲此書之注。而年老不任伏案。乃以屬仲邁。而仲邁尙未遑也。今省政府主

席何公芸樵。民政廳長曹公伯聞。閱民命之夭折。醫學之不振。注之不以時成。乃先出此書印行焉。且以宋槧林億校本校之。標明其同異。庶覽者一見而知古本之勝也。

民國二十一年壬申春月

瀏陽劉世禎崑湘甫序於六石山房

古本傷寒雜病論序四

余夙多病。經中西醫治療逾數年無一驗。且益困。後遇瀏陽劉崑湘先生治之。病遂已。凡余親友間得先生治療者。靡不如是。余於是信先生益深。先生平日服膺南陽張氏。而聞其議論。曲暢旁通。似有得於文字之外者。余疑其有異聞久矣。戊辰之夏。相與避暑乎廬山。時余病初癒。心曠而神怡。先生乃示余古本傷寒雜病論。且歷述此書所由得。余受而讀之。信今之學者所未嘗聞也。亟思取以付印。先生不可。曰。後

世注傷寒論者。莫先於成無已。吾方取而校之。未竟。吾與邑人劉君仲邁。於古本皆有詮釋。屬仲邁次第其語爲注。亦未成也。且待之。今年國中多故。湖南爲甚。人民流徙。疫癘并作。省政府主席何公芸樵閱焉。謂此書之行。不可復待。遂取而印之。此書既出。斯民其有瘳乎。余又思之。張氏守長沙。值大疫之流行。拯民命於垂絕。故我人世祀之。以寄其謳思。人之思之也深。則神之依之也久。所著之書。歷二千年訛缺。蓋亦數百年而僅存真本。卒歸於此邦之人。又遇何公恤民之心。與古賢守契合。而民適疾疫。此書因得以廣其傳焉。類神者爲之。非偶然也。然則讀此書者。何異親炙醫聖於一堂。端拜而請益也。不亦幸乎。長沙曹伯聞序。

傷寒雜病論序五

論曰。余每覽越人入虢之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以

養生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外而悴其內。皮之不存。毛將安附焉。卒然遭邪風之氣。嬰非常之疾。患及禍至。而方震慄。降志屈節。欽望巫祝。告窮歸天。束手受敗。賈百年之壽命。持至貴之重器。委付凡醫。恣其所措。咄嗟嗚呼。厥身已斃。神明消滅。變爲異物。幽潛重泉。徒爲啼泣。痛夫舉世昏迷。莫能覺悟。不惜其命。若是輕生。彼何榮勢之云哉。而進不能愛人知人。退不能愛身知己。遇災值禍。身居厄地。蒙蒙昧昧。蠢若遊魂。哀乎趨世之士。馳競浮華。不固根本。忘軀徇物。危若冰谷。至於是也。余宗族素多。向餘二百。建安紀年以來。猶未十稔。其死亡者。三分有二。傷寒十居其七。感往昔之淪喪。傷橫天之莫救。乃勤求古訓。博采衆方。撰用素問九卷。八十一難。陰陽大論。胎臚藥錄。並平脈辨證。爲傷寒雜病論。合十六卷。雖未能盡愈諸病。庶可以見病知源。若能尋余所集。思過半矣。夫天布五行。以運萬類。人稟五常。以有五藏。經絡府俞。陰陽會通。玄冥幽微。變化難極。自

非才高識妙。豈能探其理致哉。上古有神農、黃帝、歧伯、伯高、雷公、少俞、少師、仲文。中世有長桑、扁鵲。漢有公乘陽慶及倉公。下此以往。未之聞也。觀今之醫。不念思求經旨。以演其所知。各承家技。終始順舊。省疾問病。務在口給。相對斯須。便處湯藥。按寸不及尺。握手不及足。人迎跌陽。三部不參。動數發息。不滿五十。短期未知決診。九候曾無髣髴。明堂闕庭。盡不見察。所謂窺管而已。夫欲視死別生。實爲難矣。孔子云。生而知之者上。學則亞之。多聞博識。知之次也。余宿尙方術。請事斯語。漢長沙太守南陽張機。

傷寒雜病論

目錄

卷第一

平脈法第一

卷第二

平脈法第二

卷第三

傷寒例第三

卷第四

辨溫病脈證并治第四

卷第五

辨暑病脈證并治第五

辨熱病脈證并治第六

辨濕病脈證并治第七

辨燥病脈證并治第八

卷第六

辨太陽病脈證并治上

卷第七

辨太陽病脈證并治中

卷第八

辨太陽病脈證并治下

卷第九

辨陽明病脈證并治

卷第十

辨少陽病脈證并治

辨太陰病脈證并治

卷第十一

辨少陰病脈證并治

辨厥陰病脈證并治

卷第十二

辨霍亂病脈證并治

辨瘧陰陽易差脈證并治

卷第十三

辨不可發汗病脈證并治

辨可發汗脈證并治

卷第十四

辨發汗後病脈證并治

辨不可吐

卷第十五

辨不可下病脈證并治

辨可下病脈證并治

卷第十六

辨發汗吐下後脈證并治

傷寒雜病論卷第一

漢長沙太守南陽張機仲景述

平脈法第一

問曰。脈何以知氣血藏府之診也。師曰。脈乃氣血先見。氣血有盛衰。藏府有偏勝。氣血俱盛。脈陰陽俱盛。氣血俱衰。脈陰陽俱衰。氣獨盛者則脈強。血獨盛者則脈滑。氣偏衰者則脈微。血偏衰者則脈澹。氣血和者則脈緩。氣血平者則脈平。氣血亂者則脈亂。氣血脫者則脈絕。陽迫氣血則脈數。陰阻氣血則脈遲。若感於邪。氣血擾動。脈隨變化。變化無窮。氣血使之。病變百端。本原別之。欲知病源。當平脈變。欲知病變。先揣其本。本之不齊。在人體躬。相體以診。病無遁情。通行本佚

問曰。脈有三部。陰陽相乘。榮衛血氣。在人體躬。呼吸出入。上下於中。因息遊布。津液流通。隨時動作。效象形容。春弦秋浮。冬沉夏洪。察色觀脈。大小不同。一時之間。變無

經常。尺寸參差。或短或長。上下乖錯。或存或亡。病輒改易。進退低昂。心迷意惑。動失紀綱。願爲具陳。令得分明。師曰。子之所問。道之根源。脈有三部。尺寸及關。榮衛流行。不失衡銓。腎沉心洪。肺浮肝弦。此自經常。不失銖分。出入升降。漏刻周旋。水下百刻。一周循環。當復寸口。虛實見焉。變化相乘。陰陽相干。風則浮虛。寒則牢堅。沈潛水畜。支飲急弦。動則爲痛。數則熱煩。設有不應。知變所緣。三部不同。病各異端。太過可怪。不及亦然。邪不空見。中必有奸。審察表裏。三焦別焉。知其所舍。消息診看。料度府藏。獨見若神。爲子條記。傳與賢人。

師曰。平脈大法。脈分三部。浮部分經。以候皮膚經絡之氣。沉部分經。以候五藏之氣。

中部分經。以候六府之氣。

通行
本佚

師曰。脈分寸關尺。寸脈分經。以候陽。陽者氣之統也。尺脈分經。以候陰。陰者血之注也。故曰陰陽。關上陰陽交界。應氣血升降。分經以候中州之氣。

通行
本佚

問曰。經說脈有三菽六菽重者。何謂也。師曰。脈人以指按之。如三菽之重者。肺氣也。如六菽之重者。心氣也。如九菽之重者。脾氣也。如十二菽之重者。肝氣也。按之至骨者。腎氣也。假令下利。寸口關上尺中。悉不見脈。然尺中時一小見。脈再舉頭者。腎氣也。若見損至脈來。通行本誤作損脈來至。爲難治。

問曰。東方肝脈。其形何似。師曰。肝者木也。名厥陰。其脈微弦。濡弱而長。是肝脈也。肝病自得濡弱者愈也。假令得純弦脈者死。何以知之。以其脈如弦直。此是肝藏傷。故知死也。

南方心脈。其形何似。師曰。心者火也。名少陰。其脈洪大而長。是心脈也。心病自得洪大者愈也。假令脈來微去大。故名反。病在裏也。脈來頭小本大。故曰覆。病在表也。上微頭小者。則汗出。下微本大者。則爲關格不通。不得尿。頭無汗者可治。有汗者死。西方肺脈。其形何似。師曰。肺者金也。名太陰。其脈毛浮也。肺病自得此脈。若得緩遲

者皆愈。若得數者則劇。何以知之。數者南方火。火尅西方金。法當癰腫。爲難治也。

北方腎脈。其形何似。師曰。腎者水也。其脈沉而石。腎病自得此脈者愈。若得實大者則劇。何以知之。實大者。長夏土王。土尅北方水。水藏立涸也。通行本佚

師曰。人迎脈大。跌陽脈小。其常也。假令人迎跌陽平等。爲逆。人迎負跌陽。爲大逆。所以然者。胃氣上升。動在人迎。胃氣下降。動在跌陽。上升力強。故曰大。下降力弱。故曰小。反此爲逆。大逆則死。通行本佚

師曰。六氣所傷。各有法度。舍有專屬。病有先後。風中於前。寒中於背。濕傷於下。霧傷於上。霧客皮腠。濕流關節。極寒傷經。極熱傷絡。風令脈浮。寒令脈緊。又令脈急。暑則浮虛。濕則濡塞。燥短以促。火躁而數。風寒所中。先客太陽。暑氣炎熱。肺金則傷。濕生長夏。病入脾胃。燥氣先傷。大腸合肺。壯火食氣。病生於內。心與小腸。先受其害。六氣合化。表裏相傳。藏氣偏勝。或移或干。病之變證。難以殫論。能合色脈。可以萬全。通行本佚

問曰。上工望而知之。中工問而知之。下工脈而知之。願聞其說。通行本錯簡在病家人來請條師曰。

夫色合脈。色主形外。脈主應內。其色露藏。亦有內外。察色之妙。明堂闕庭。察色之法。

大指推之。察明堂。推而下之。察闕庭。推而上之。五色應五藏。如肝色青。脾色黃。肺色

白。心色赤。腎色黑。顯然易曉。色之生死。在思用精。心迷惑。難與為言。通行本佚

色青者。病在肝與膽。假令身色青。明堂色微赤者生。白者死。黃白者。半死半生也。通行

佚本

色赤者。病在心與小腸。假令身色赤。明堂微黃者生。黑者死。黃黑者。半死半生也。通行

佚本

色黃者。病在脾與胃。假令身色黃。明堂微白者生。青者死。黃青者。半死半生也。通行本佚

色白者。病在肺與大腸。假令身色白。明堂色微黑者生。赤者死。黃赤者。半死半生也。

通行本佚

色黑者。病在腎與膀胱。假令身色黑。明堂微青者生。黃者死。黃赤者。半死半生也。行通

佚本

闕庭脈色青而沉細。推之不移者。病在肝。青而浮大。推之隨轉者。病在膽。本通行佚

闕庭脈色赤而沉細。推之參差不齊者。病在心。赤而橫戈。推之愈赤者。病在小腸。行通

佚本

闕庭脈色黃。推之如水停留者。病在脾。如水急流者。病在胃。本通行佚

闕庭脈色青白。推之久不還者。病在肺。推之即至者。病在大腸。本通行佚

闕庭脈色青黑。直下晴明。推之不變者。病在腎。推之即至者。病在膀胱。本通行佚

明堂闕庭色不見。推之色青紫者。病在中焦。有積。推之明如水者。病在上焦。有飲。推

之黑赤參差者。病在下焦。有寒熱。本通行佚

色有內外。何以別之。一望而知者。謂之外。在明堂闕庭。推而見之者。謂之內。本通行佚

病暴至者。先形於色。不見於脈。病久發者。先見於脈。不形於色。病入藏無餘證者。見於脈。不形於色。病痼疾者。見於脈。不形於色也。通行本佚

色有生死。何謂也。假令色黃如蟹腹者生。如枳實者死。有氣則生。無氣則死。餘色倣

此。通行本佚

師曰。人秉五常有五藏。五藏發五聲。宮、商、角、徵、羽。是也。五聲在人。各具一體。假令人本聲角。變商聲者。爲金尅木。至秋當死。變宮徵羽皆病。以本聲不可變故也。通行本佚

人本聲宮。變角聲者。爲木尅土。至春當死。變商徵羽皆病。通行本佚

人本聲商。變徵聲者。爲火尅金。至夏當死。變宮角羽皆病。通行本佚

人本聲徵。變羽聲者。爲水尅火。至冬當死。變角宮商皆病。通行本佚

人本聲羽。變宮聲者。爲土尅水。至長夏當死。變角商徵皆病。通行本佚

以上所言。皆人不病而聲先變者。初變可治。變成難瘳。聞聲之妙。差在毫釐。本不易

曉。若病至發聲。則易知也。通行本佚

師持脈。病人欠者。無病也。脈之呻者。病也。言遲者。風也。搖頭言者。裏痛也。行遲者。表強也。坐而伏者。短氣也。坐而下一脚者。腰痛也。裏實護腹如懷卵物者。心痛也。

病人長歎。聲出高入卑者。病在上焦。出卑入高者。病在下焦。出入急促者。病在中焦。有痛處。聲唧唧而歎者。身體疼痛。問之不欲語。語先淚下者。必有憂鬱。問之不語。淚

下不止者。必有隱衷。問之不語。數問之而微笑者。必有隱疾。通行本佚

實則讖語。虛則鄭聲。假令言出聲卑者。為氣虛。言出聲高者。為氣實。欲言手按胸中者。胸中滿痛。欲言手按腹者。腹中滿痛。欲言聲不出者。咽中腫痛。通行本佚

師曰。脈病人不病。名曰行尸。以無王氣。卒眩仆不識人者。短命則死。人病脈不病。名

曰內虛。以少通行本誤作無穀神。雖困無苦。

師曰。脈肥人責浮。瘦人責沉。肥人當沉。今反浮。瘦人當浮。今反沉。故責之。

師曰。呼吸者。脈之頭也。初持脈。來疾去遲。此出疾入遲。名曰內虛外實也。初持脈來遲去疾。此出遲入疾。名曰內實外虛也。

寸口衛氣盛。名曰高。榮氣盛。名曰章。高章相搏。名曰綱。衛氣弱。名曰慄。榮氣弱。名曰卑。慄卑相搏。名曰損。衛氣和。名曰緩。榮氣和。名曰遲。緩遲相搏。名曰沉。

陽脈浮大而濡。陰脈浮大而濡。陰脈與陽脈同等者。名曰緩也。

問曰。二月得毛浮脈。何以處言。至秋當死。師曰。二月之時。脈當濡弱。反得毛浮者。故知至秋死。二月肝用事。肝屬木。脈應濡弱。反得毛浮脈者。是肺脈也。肺屬金。金來尅木。故知至秋死。他皆倣此。

師曰。立夏得洪大脈。是其本位。其人病身體苦疼重者。須發其汗。若明日身不疼不重者。不須發汗。若汗濺濺自出者。明日便解矣。何以言之。立夏脈洪大。是其時脈。故使然也。四時倣此。

問曰。凡病欲知何時得。何時愈。答曰。假令夜半得病者。明日日中愈。日中得病者。夜半愈。何以言之。日中得病。夜半愈者。以陽得陰則解也。夜半得病。明日日中愈者。以陰得陽則解也。

問曰。脈病欲知愈未愈者。何以別之。答曰。寸口關上尺中三處。大小浮沉遲數同等。雖有寒熱不解者。此脈陰陽爲和平。雖劇當愈。

師曰。寸脈下不至關。爲陽絕。尺脈上不至關。爲陰絕。此皆不治。決死也。若計其餘命。生死之期。期以月節尅之也。

脈。浮者在。前。其病在表。浮者在。後。其病在裏。假令濡而上魚者。宗氣泄也。孤而下尺中者。精不藏也。若乍高乍卑。乍升乍墜。爲難治。

通行本佚

寸口脈緩而遲。緩則陽氣長。其色鮮。其顏光。其聲商。毛髮長。遲則陰氣盛。骨髓生。血滿。肌肉緊薄。鮮鞭。陰陽相抱。榮衛俱行。剛柔相得。名曰強也。

寸口脈。浮爲在表。沉爲在裏。數爲在府。遲爲在藏。假令脈遲。此爲在藏也。

寸口脈浮

通行本誤
多而字

緊。浮則爲風。緊則爲寒。風則傷衛。寒則傷榮。榮衛俱病。骨節煩

疼。當發其汗也。

脈浮而數。浮爲風。數爲虛。風爲熱。虛爲寒。風虛相搏。則灑淅惡寒也。

問曰。病有灑淅惡寒。而復發熱者何。答曰。陰脈不足。陽往從之。陽脈不足。陰往乘之。

曰。何謂陽不足。答曰。假令寸口脈微。名曰陽不足。陰氣上入陽中。則灑淅惡寒也。曰。

何謂陰不足。答曰。尺脈弱。名曰陰不足。陽氣下陷入陰中。則發熱也。

通行本誤入
陽脈浮三字

陰脈弱者。則血虛。血虛則筋急也。其脈濇通行本誤作沉者。榮氣微也。其脈浮而汗出如流珠

者。衛氣衰也。榮氣微者。加燒針則血流不行。更發熱而躁煩也。

寸口脈陰陽俱緊者。法當清邪中於上焦。濁邪中於下焦。清邪中上。名曰潔也。濁邪

中下。名曰渾也。陰中於邪。必內慄也。表氣微虛。裏氣不守。故使邪中於陰也。陽中於

邪。必發熱。頭痛項強頸攣。腰痛脛酸。所爲陽中霧露之氣。故曰清邪中上。濁邪中下。陰氣爲慄。足膝逆冷。便溺妄出。表氣微虛。裏氣微急。三焦相溷。內外不通。上焦怫鬱。藏氣相熏。口爛食斷也。中焦不治。胃氣衝。脾氣不轉。胃中爲濁。榮衛不通。血凝不流。若衛氣前通者。小便赤黃。與熱相搏。因熱作使。遊於經絡。出入藏府。熱氣所過。則爲癰膿。若陰氣前通者。陽氣厥微。陰無所使。客氣內入。嚏而出之。聲嗝咽塞。寒厥相迫。爲熱所擁。血凝自下。狀如豚肝。陰陽俱厥。脾氣孤弱。五液注下。下焦不闔。清便下重。令便數難。齊築湫痛。命將難全。

脈陰陽俱緊者。口中氣出。唇口乾燥。蹠臥足冷。鼻中涕出。舌上胎滑。勿妄治也。到七日以來。其人微發熱。手足溫者。此爲欲解。或到八日以上。反大發熱者。此爲難治。設使惡寒者。必欲嘔也。腹內痛者。必欲利也。

脈陰陽俱緊。至於吐利。其脈獨不解。緊去人通行本安。此爲欲解。若脈遲。至六七日。

不欲食。此爲晚發。水停故也。爲未解。食自可者。爲欲解。

脈浮而大。心下反鞭。有熱屬藏者。攻之不令發汗。屬府者。不令溲數。溲數則大便鞭。

汗多則熱甚。通行本誤作愈。溲數。通行本誤作汗少。則便難。脈遲尙未可攻。

問曰。病有戰而汗出。因得解者。何也。答曰。脈浮而緊。按之反芤。此爲本虛。故當戰而汗出也。其人本虛。是以發戰。以脈浮。故當汗出而解也。若脈浮而數。按之不芤。此人本不虛。若欲自解。但汗出耳。不發戰也。

問曰。病有不戰而汗出解者。何也。答曰。脈大而浮數。故知不戰汗出而解也。

問曰。病有不戰不汗出而解者。何也。答曰。其脈自微。此以曾發汗。若吐。若下。若亡血。以內無津液。此陰陽自和。必自愈。故不戰不汗出而解也。

問曰。傷寒三日。脈浮數而微。病人身涼和者。何也。答曰。此爲欲解也。解以夜半。脈浮而解者。濺然汗出也。脈數而解者。必能食也。脈微而解者。必大汗出也。

脈浮而遲。面熱赤。而戰惕者。六七日當汗出而解。反發熱者。差遲。遲為無陽。不能作汗。其身必癢也。

病六七日。手足三部脈皆至。大煩而口噤不能言。其人躁擾者。未通作必欲解也。若

脈和。其人不通作本煩。目重。臉內際黃者。此欲解也。按本條通行本舊誤接於脈陰陽俱緊至於吐利條下為一條。

師曰。伏氣之病。以意候之。今月之內。欲知通作本伏氣。假令舊有伏氣。當須脈之。若

脈微弱者。當喉中痛似傷。非喉痺也。病人云。實咽中痛。雖爾。今復欲下利。

師曰。病家人請云。病人苦發熱。身體疼。病人自臥。師到。診其脈。沉而遲者。知其差也。

何以知之。若表有病者。脈當浮大。今脈反沉遲。故知愈也。假令病人云。腹內卒痛。病

人自坐。師到脈之。浮而大者。知其差也。何以知之。若裏有病者。脈當沉而細。今脈浮

大。故知愈也。

師曰。病家人來請云。病人發熱煩極。明日師到。病人向壁臥。此熱已去也。設令脈不

和處言已愈。設令向壁臥。聞師到。不驚起而盼視。若三言三止。脈之嚙唾者。此詐病也。設令脈自和。處言此病大重。當須服吐下藥。針灸數十百處。乃愈。

問曰。脈有災怪。何謂也。師曰。假令人病。脈得太陽。與形證相應。因爲作湯。比還送湯。如食頃。病人乃大吐。若下利。腹中痛。師曰。我前來不見此證。今乃變異。是名災怪。又問曰。何緣作此吐利。答曰。或有舊時服藥。今乃發作。故爲災怪耳。

按本卷較通行本增三十條、共一千五百四十九字、訂正十一字、刪四字、

傷寒雜病論卷第二

漢長沙太守南陽張機仲景述

平脈法第二

問曰。脈有陰陽。何謂也。答曰。凡脈大浮數動滑。此名陽也。脈沉濇遲。通行本誤作弱。弦微。此名陰也。凡陰病見陽脈者生。陽病見陰脈者死。

陰陽相搏名曰動。陽動則汗出。陰動則發熱。形冷惡寒者。此三焦傷也。若數脈見於關上。上下無頭尾。如豆大。厥厥動搖者。名曰動也。

脈來緩。時一止復來者。名曰結。脈來數。時一止復來者。名曰促。脈陽盛則促。陰盛則結。此皆病脈。又脈來動而中止。更來小數。中有還者反動。名曰結。陰也。脈來動而中止。不能自還。因而復動者。名曰代。陰也。得此脈者。必難治。按自又脈來動而中止至必難治一段。通行本錯簡

在卷四太
陽篇下。

脈陰陽俱促。當病血。爲實。陰陽俱結。當亡血。爲虛。假令促上寸口者。當吐血。或衄。下

尺中者。當下血。若乍促乍結。爲難治。通行本佚

脈數者。久數不止。止則邪結。正氣不能復。正氣却結於藏。故邪氣浮之與皮毛相得。

脈數者不可下。下之必煩利不止。通行本誤列在可與不可篇

問曰。脈有陽結陰結者。何以別之。答曰。其脈浮而數。能食不大便者。此爲實。名曰陽

結也。期十七日當劇。其脈沉而遲。不能食。身體重。大便反鞭。名曰陰結也。期十四日

當劇。

脈藹藹如車蓋者。名曰陽結也。

脈累累如循長竿者。名曰陰結也。

脈瞥瞥如羹上肥者。陽氣微也。

脈縈縈如蜘蛛絲者。陰通行本誤作陽氣衰也。

脈綿綿如瀉漆之絕者。亡其血也。

問曰。脈有殘賊。何謂也。師曰。脈有弦緊浮滑沉澹。此六脈名曰殘賊。能為諸脈作病也。

問曰。脈有相乘。有縱有橫。有逆有順。何謂也。師曰。水行乘火。金行乘木。名曰縱。火行乘水。木行乘金。名曰橫。水行乘金。火行乘木。名曰逆。金行乘水。木行乘火。名曰順也。問曰。濡弱何以反適十一頭。師曰。五藏六府相乘。故令十一。

脈陰陽俱弦。無寒熱。為病飲。在浮部。飲在皮膚。在中部。飲在經絡。在沉部。飲在肌肉。若寸口弦。飲在上焦。關上弦。飲在中焦。尺中弦。飲在下焦。通行本佚

脈弦通行本誤作浮而緊者。名曰革。通行本誤作弦也。弦者狀如弓弦。按之不移也。脈緊者。如轉索

無常也。

脈弦而大。弦則為減。大則為芤。減則為寒。芤則為虛。寒虛相搏。此名為革。婦人則半

產漏下。男子則亡血失精。師自注曰。此言致革之由。

問曰。曾爲人所難。緊脈從何而來。師曰。假令亡汗若吐。以肺裏寒。故令脈緊也。假令

欬者坐飲冷水。故令脈緊也。假令下利。以胃虛冷。故令脈緊也。

寸口脈浮而緊。通行本緊誤作大而字屬下句。醫反下之。此爲大逆。浮則無血。緊通行本誤作大。則爲寒。寒

氣相搏。則爲腸鳴。醫乃不知。而反飲冷水。令汗不通行本誤作大。出。水得寒氣。冷必相搏。其

人卽餒。

跌陽脈緊而浮。浮爲氣。緊爲寒。浮爲腹滿。緊爲絞痛。浮緊相搏。腸鳴而轉。轉卽氣動。

膈氣乃下。少陰脈不出。其陰腫大而虛也。

跌陽脈微而緊。緊則爲寒。微則爲虛。微緊相搏。則爲短氣。

寸口脈微。尺脈緊。其人虛損多汗。知陰常在。絕不見陽也。

跌陽脈大而緊者。當卽下利。爲難治。

脈浮而大。浮爲風虛。大爲氣強。風氣相搏。必成隱癩。身體爲癢。癢者名泄風。久爲癩癩。

跌陽脈浮。浮則爲虛。浮虛相搏。故令氣餽。言胃氣虛竭也。此爲醫咎。責虛取實。守空迫血。脈滑則爲噦。通本誤在此。爲醫咎。爲醫咎。爲醫咎。脈浮鼻中躁者。必衄也。

跌陽脈遲而緩。胃氣如經也。跌陽脈浮而數。浮則傷胃。數則動脾。此非本病。醫特下之所爲也。榮衛內陷。其數先微。脈反但浮。其人必大便鞭。氣噫不通本誤作而。除。何以言

之。本以數脈動脾。其數先微。故知脾氣不治。大便鞭。氣噫不通本誤作而。除。令通本誤作今。脈反浮。其數改微。邪氣獨留。心中則饑。邪熱不殺穀。潮熱發渴。數脈當遲緩。通本誤入脈因前

後度數如法八字。病者則飢。數脈不時。則生惡瘡也。師自注云。跌陽脈遲緩。爲無病。誤下之。令脈轉浮數。先氣傷。必浮數改微。

跌陽脈浮而濇。少陰脈如經者。其病在脾。法當下利。何以知之。若脈浮大者。氣實血虛也。今跌陽脈浮而濇。故知脾氣不足。胃氣虛也。以少陰脈弦而沉通本誤作浮。纔見。此

爲調脈。故稱如經也。若反滑而數者。故知當屎膿也。

跌陽脈浮而芤。浮者衛氣虛。芤者榮氣傷。其身體瘦。肌肉甲錯。浮芤相搏。宗氣微衰。四屬斷絕。師自注云。舉之浮毛。按之全無。謂之毛芤相搏。

脈浮而大。浮爲氣實。大爲血虛。血虛爲無陰。孤陽獨下。陰部者。小便當赤而難。胞中當虛。今反小便利而大汗出。法應衛家當微。今反更實。津液四射。榮竭血盡。乾煩而不眠。血薄肉消。而成暴黑。一云液。醫復以毒藥攻其胃。此爲重虛。客陽去。有期。必下如

汗泥而死。通行本誤列在可與不可篇。

寸口脈浮而大。浮爲虛。大爲實。在尺爲關。在寸爲格。關則不得小便。格則吐逆。

問曰。翕奄沉。名曰滑。何謂也。師曰。沉爲純陰。翕爲正陽。陰陽和合。故令脈滑。關尺自平。

陽明脈微沉。食飲自可。少陰脈微滑。滑者緊之浮名也。此爲陰實。其人必股內汗出。

陰下濕也。

通本與上條連爲一條

脈浮而滑。浮爲陽。滑爲實。陽實相搏。其脈數疾。衛氣失度。浮滑之脈。數疾發熱。汗出者。此爲不治。

跌陽脈滑而緊。滑者胃氣實。緊者脾氣強。持實擊強。痛還自傷。以手把刃。坐作瘡也。跌陽脈沉而數。沉爲實。數消穀。緊者難病治。

跌陽脈伏而濇。伏則吐逆。水穀不化。濇則食不得入。名曰關格。

師曰。病人脈微而濇者。此爲醫所病也。大發其汗。又數大下之。其人亡血。病當惡寒。後乃發熱。無休止時。夏月盛熱。欲著複衣。冬月盛寒。欲裸其身。所以然者。陽微則惡寒。陰弱則發熱。此醫發其汗。使陽氣微。又大下之。令陰氣弱。五月之時。陽氣在表。胃中虛冷。以陽氣內微。不能勝冷。故欲著複衣。十一月之時。陽氣在裏。胃中煩熱。以陰氣內弱。不能勝熱。故欲裸其身。又陰脈遲濇。故知亡血也。

寸口脈微而濇。微者衛氣不行。濇者榮氣不逮。榮衛不能相將。三焦無所仰。身體痺不仁。榮氣不足。則煩疼口難言。衛氣虛者。則惡寒數欠。三焦不歸其部。上焦不歸者。噫而酢吞。中焦不歸者。不能消穀引食。下焦不歸者。則遺洩。

寸口脈微而濇。微者衛氣衰。濇者榮氣不足。衛氣衰。面色黃。榮氣不足。面色青。榮爲根。衛爲葉。榮衛俱微。則根葉枯槁。而寒慄欬逆。唾腥吐涎沫也。

少陰脈弱而濇。弱者微煩。濇者厥逆。

寸口脈微而緩。微者衛氣疏。疏則其膚空。緩者胃氣實。實則穀消而水化也。穀入於胃。脈道乃行。水入於經。其血乃成。榮盛則其膚必疏。三焦失

通行本
誤作絕

經名曰血崩。

寸口脈弱而緩。弱者陽氣不足。緩者胃氣有餘。噫而吞酸。食卒不下。氣填於膈上也。寸口脈弱而遲。弱者衛氣微。遲者榮中寒。榮爲血。血寒則發熱。衛爲氣。氣微者心內飢。飢而虛滿。不能食也。

脈弱而濇。尺中浮大。無外證者。爲病屬內傷。

通行
本佚

脈弱而濇。尺中濡弱者。男子病失精。女子病赤白帶下。

通行
本佚

脈洪數。按之弦急者。當發癰。假令脈浮數。按之反平者。爲外毒。宜清之。脈數大。按之弦直者。爲內毒。宜升之。令其外出也。誤攻則內陷。內陷則死。

通行
本佚

脈洪數。按之急滑者。當發癰。發熱者暴出。無熱者久久必至也。

通行
本佚

脈浮滑。按之弦急者。當發內癰。咳嗽胸中痛。爲肺癰。當吐膿血。復中掣痛。爲腸癰。當

便膿血。

通行
本佚

脈大而濇。時一弦。無寒熱。此爲漫淫瘡所致也。若加細數者。爲難治。

通行
本佚

妊娠脈弦數而細。少腹痛。手心熱。此爲熱結胞中。不先其時治之。必有產難。

通行
本佚

產後脈洪數。按之弦急。此爲濁未下。若濁已下而脈如故者。此爲魂脫。爲難治。

通行
本佚

諸脈浮數。當發熱而灑淅惡寒。若有痛處。飲食如常者。蓄積有膿也。

問曰。人恐怖者。其脈何狀。師曰。脈形如循絲累累然。其面白脫色也。

問曰。人不飲。其脈何類。師曰。脈自濇。唇口乾燥也。

問曰。人愧者。其脈何類。師曰。脈浮而面色乍白乍赤。

寸口諸微亡陽。諸濡亡血。諸弱發熱。諸緊爲寒。諸乘寒者。則爲厥。鬱冒不仁。以胃無穀氣。脾濇不通。口急不能言。戰而慄也。

發熱則脈躁。惡寒則脈靜。脈隨證轉者。爲病瘥。通行本佚

傷寒。欬逆上氣。其脈散者死。謂其形損故也。

跌陽脈不出。脾不上下。身冷膚鞭。

少陰脈不至。腎氣微。少精血。奔氣促迫。上入胸膈。宗氣反聚。血結心下。陽氣退下。熱歸陰股。與陰相動。令身不仁。此爲尸厥。當刺期門巨闕。

師曰。脈乍大乍小。乍靜乍亂。見人驚恐者爲祟。發於膽氣竭故也。通行本佚

師曰。人脈皆無病。暴發重病不省人事者。爲厲鬼。治之以祝由。能言者可治。不言者死。通行本佚

脈浮而洪。身汗如油。喘而不休。水漿不下。形體不仁。乍靜乍亂。此爲命絕也。又未知何藏先受其災。若汗出髮潤。喘不休者。此爲肺先絕也。陽反獨留。形體如烟熏。直視

搖頭者。此爲心絕也。唇吻反青。四肢掣通行本誤作繫。習者。此爲肝絕也。環口黧黑。油通行本誤

作柔。汗發黃者。此爲脾絕也。溲便遺失。狂言目反直視者。此爲腎絕也。又未知何藏陰

陽前絕。若陽氣前絕。陰氣後竭者。其人死。身色必青。陰氣前絕。陽氣後竭者。其人死。

身色必赤。腋下溫。心下熱也。

奇經八脈。不繫十二經。別有自行道路。其爲病總於陰陽。其治法屬十二經。假令督

脈爲病。脊背強。隱隱痛。脈當微浮而急。按之濇。治屬太陽。通行本佚

任脈爲病。其內結。病疝瘕。脈當沉而結。治屬太陰。通行本佚

衝脈為病。氣上逆而裏急。脈當浮虛而數。治屬太陰。本通行

帶脈為病。苦腹痛。腰間冷痛。脈當沉而細。治屬少陰。本通行

陽蹻為病中於側。氣行於外。脈當弦急。按之緩。治屬少陽。本通行

陰蹻為病中於側。氣行於內。脈當浮緩。按之微急而弦。治屬厥陰。本通行

陽維與諸陽會。其為病在脈外。發寒熱。脈當浮而虛。治屬氣分。本通行

陰維與諸陰交。其為病在脈中。心中痛。手心熱。脈當弦而濇。治屬血分。本通行

陽維維於陽。陰維維於陰。為氣血之別使。不拘一經也。本通行

寄經八脈之為病。由各經受邪。久久移傳。或勞傷所致。非暴發也。本通行

問曰。八脈內傷。何以別之。本通行

師曰。督脈傷。柔柔不欲伸。不能久立。立則隱隱而脹。任脈傷。小便多。其色白濁。衝脈傷。時咳不休。有聲無物。勞則氣喘。帶脈傷。迴身一周冷。陽蹻傷。則身左不仁。陰蹻傷。

則身右不仁。陽維傷則畏寒甚。皮常濕。陰維傷則畏熱甚。皮常枯。通行本佚

問曰。八脈內傷。其脈何似。通行本佚

師曰。督脈傷。尺脈大而濇。任脈傷。關脈大而濇。衝脈傷。寸脈短而濇。帶脈傷。脈沉遲而結。陽蹻傷。脈時大時弦。陰蹻傷。脈時細時弦。陽維傷。脈時緩時弦。陰維傷。脈時緊

時濇。通行本佚

問曰。其治奈何。通行本佚

師曰。督脈傷。當補髓。任脈傷。當補精。衝脈傷。當補氣。帶脈傷。當補腎。陽蹻傷則益膽。陰蹻傷則補肝。陽維傷則調衛。陰維傷則養榮。通行本佚

問曰。處方奈何。通行本佚

師曰。相體虛實。察病輕重。採取方法。權衡用之。通行本佚

按本卷較通行本增三十二條。共九百六十一字。訂正十九字。刪八字。

傷寒雜病論卷第三

漢長沙太守南陽張機仲景述

傷寒例第三

四時八節二十四氣七十二候決病法

立春正月節斗指艮

雨水正月中指寅

驚蟄二月節指甲

春分二月中指卯

清明三月節指乙

穀雨三月中指辰

立夏四月節指巽

小滿四月中指巳

芒種五月節指丙

夏至五月中指午

小暑六月節指丁

大暑六月中指未

立秋七月節指坤

處暑七月中指申

白露八月節指庚

秋分八月中指酉

寒露九月節指辛

霜降九月中指戌

立冬十月節指乾

小雪十月中指亥

大雪十一月節指壬

冬至十一月中指子 小寒十二月節指癸 大寒十二月中指丑

二十四氣。節有十二。中氣有十二。五日爲一候。氣亦同。合有七十二候。

決病生死。此須洞解之也。

陰陽大論云。春氣溫和。夏氣暑熱。秋氣清涼。冬氣冰冽。此則四時正氣之序也。冬時嚴寒。萬類深藏。君子固密。則不傷於寒。觸冒之者。乃名傷寒耳。其傷於四時之氣。皆能爲病。以傷寒爲毒者。以其最成殺厲之氣也。中而卽病者。名曰傷寒。不卽病者。寒毒藏於肌膚。至春變爲溫病。至夏變爲暑病。暑病者。熱極重於溫也。是以辛苦之人。春夏多溫熱病者。皆由冬時觸寒所致。非時行之氣也。凡時行者。春時應暖。而反大寒。夏時應熱。而反大涼。秋時應涼。而反大熱。冬時應寒。而反大溫。此非其時。而有其氣。是以一歲之中。長幼之病。多相似者。此則時行之氣也。夫欲候知四時正氣爲病。及時行疫氣之法。皆當按斗歷占之。九月霜降節後。宜漸寒。向冬大寒。至正月雨水

節後。宜解也。所以謂之雨水者。以冰雪解而爲雨水故也。至驚蟄二月節後。氣漸和暖。向夏大熱。至秋便涼。從霜降以後。至春分以前。凡有觸冒霜露。體中寒卽病者。謂之傷寒也。九月十月。寒氣尙微。爲病則輕。十一月十二月。寒冽已嚴。爲病則重。正月二月。寒漸將解。爲病亦輕。此以冬時不調。適有傷寒之人。卽爲病也。其冬有非節之暖者。名爲冬溫。冬溫之毒。與傷寒大異。冬溫復有先後。更相重沓。亦有輕重。爲治不同。證如後章。從立春節後。其中無暴大寒。又不冰雪。而有人壯熱爲病者。此屬春時陽氣發於冬時伏寒。變爲溫病。從春分以後。至秋分節前。天有暴寒者。皆爲時行寒疫也。三月四月。或有暴寒。其時陽氣尙弱。爲寒所折。病熱猶輕。五月六月。陽氣已盛。爲寒所折。病熱則重。七月八月。陽氣已衰。爲寒所折。病熱亦微。其病與溫及暑病相似。但治有殊耳。十五日得一氣。於四時之中。一時有六氣。四六名爲二十四氣。然氣候亦有應至仍不至。或有未應至而至者。或有至而太過者。皆成病氣也。但天地動

靜。陰陽鼓擊者。各正一氣耳。是以彼春之暖。為夏之暑。彼秋之忿。為冬之怒。是故冬至之後。一陽爻升。一陰爻降也。夏至之後。一陽氣下。一陰氣上也。斯則冬夏二至。陰陽合也。春秋二分。陰陽離也。陰陽交易。人變病焉。此君子春夏養陽。秋冬養陰。順天地之剛柔也。小人觸冒。必嬰暴疹。須知毒烈之氣。留在何經。而發何病。詳而取之。是以春傷於風。夏必殞泄。夏傷於暑。秋必病瘧。秋傷於濕。冬必咳嗽。冬傷於寒。春必病溫。此必然之道。可不審明之。傷寒之病。逐日淺深。以施方治。今世人傷寒。或始不早治。或治不對病。或日數久淹。困乃告醫。醫人又不依次第而治之。則不中病。皆宜臨時消息制方。無不效也。

按通行本誤入今搜採仲景舊論錄其證候診脈聲色對病真方有神驗者擬防世急也二十八字當為叔和所增義相

抵悟說
詳略例。

又土地溫涼。高下不同。物性剛柔。飡居亦異。是故黃帝興四方之間。歧伯舉四治之能。以訓後賢。開其未悟者。臨病之工。宜須兩審也。

凡傷於寒。傳經傳經二字。通行本闕。則爲病熱。熱雖甚不死。若兩感於寒而病者多通行本誤作必。死。

尺寸俱浮者。太陽受病也。當一二日發。以其脈上連風府。故頭項痛。腰脊強。

尺寸俱長者。陽明受病也。當二三日發。以其脈夾鼻絡於目。故身熱汗出。汗出二字。通行本闕。

目疼鼻乾不得臥。

尺寸俱弦者。少陽受病也。當三四日發。以其脈循脅絡於耳。故胸脅痛而耳聾。此三

經皆受病。未入於府者。可汗而已。

尺寸俱沉濡通行本誤作細。者。太陰受病也。當四五日發。以其脈布胃中絡於噤。故腹滿

而噤乾。

尺寸俱沉細細字通行本闕。者。少陰受病也。當五六日發。以其脈貫腎絡於肺。繫舌本。故

口燥舌乾而渴。

尺寸俱弦微通本行者厥陰受病也。當六七日發。以其脈循陰器絡於肝。故煩滿

而囊縮。此三經皆受病。已入於府。可下而已。

傷寒傳經。在太陽。脈浮而急數。發熱無汗躁煩。宜麻黃湯。通本行

傳陽明。脈大而數。發熱汗出口渴舌燥。宜白虎湯。不差與承氣湯。通本行

傳少陽。脈弦而急。口苦咽乾。頭暈目眩。往來寒熱。熱多寒少。宜小柴胡湯。不差與大

柴胡湯。通本行

傳太陰。脈濡而大。發熱下利口渴。腹中急痛。宜茯苓白朮厚朴石膏黃芩甘草湯。通本行

本行

傳少陰。脈沉細而數。手足時厥時熱。咽中痛。小便難。宜附子細辛黃連黃芩湯。通本行

傳厥陰。脈沉弦而急。發熱時疏。心煩嘔逆。宜桂枝當歸半夏芍藥黃柏湯。吐虵者。宜

烏梅丸。通本行

以上皆傳經脈證並治之正法也。若入府及藏。爲傳經變病。治列後條。通行本佚

若兩感於寒者。一日太陽受之。卽與少陰俱病。則頭痛口乾。煩滿而渴。脈時浮時沉。

時數時細。大青龍湯加附子主之。二日陽明受之。卽與太陰俱病。則腹滿身熱不欲

食。識之廉切。又女。語。脈時高時卑。時強時弱。宜大黃石膏茯苓白朮枳實甘草湯主

之。三日少陽受之。卽與厥陰俱病。則耳聾囊縮而厥。水漿不入。脈乍弦乍急。乍細乍

散。宜當歸附子人參黃連黃柏湯救之。多不可治。四字通行本闕。不知人者。六日死。若三

陰三陽五藏六府皆受病。則榮衛不行。藏府不通。則死矣。通行本誤入其不兩感於寒更不傳經十字。

按本段兩感脈象方治。通行本皆佚。

不加異氣者。至七日太陽病衰。頭痛少愈也。八日陽明病衰。身熱少歇也。九日少陽

病衰。耳聾微聞也。十日太陰病衰。腹減如故。則思飲食。十一日少陰病衰。渴止舌乾。

已而噫也。十二日厥陰病衰。囊縱少腹微下。大氣皆去。病人精神爽慧也。若過十三

日以上不間。寸尺陷者大危。

若更感異氣。變爲他病者。當依後壞病證而治之。若脈陰陽俱盛。重感於寒者。變成溫瘧。陽脈浮滑。陰脈濡弱者。更遇於風。變爲風溫。陽脈洪數。陰脈實大者。更遇溫熱。變爲溫毒。溫毒爲病最重也。陽脈濡弱。陰脈弦緊者。更遇溫氣。變爲溫疫。一作瘧。以此冬傷於寒。發爲溫病。脈之變證。方治如說。

凡人有疾。不時卽治。隱忍冀差。以成痼疾。小兒女子。益以滋甚。時氣不和。便當早言。尋其邪由。及在腠理。以時治之。罕有不愈者。患人忍之。數日乃說。邪氣入藏。則難可制。此爲家有患備慮之要。凡作湯藥。不可避晨夜。覺病須臾。卽宜便治。不等早晚。則易愈矣。如或差遲。病卽傳變。雖欲除治。必難爲力。服藥不如方法。縱意違師。不須治之。

凡傷寒之病。多從風寒得之。始表中風寒。入裏則不消矣。未有溫覆而當不消散者。

不在證治。擬欲攻之。猶當先解表。乃可下之。若表未通行本誤作已。解而內不消。非大滿

猶生寒熱。則病不可下。可下二字。通行本誤作除。若表已解而內不消。大滿大實。堅有燥屎。自

可通行本誤入除字。下之。雖四五日。不能爲禍也。若不宜下而便攻之。內虛熱入。協熱遂利。

煩躁諸變。不可勝數。輕者困篤。重者必死矣。

夫陽盛陰虛。汗之則死。下之則愈。陽虛陰盛。汗之則愈。下之則死。夫如是。則神丹安

可以誤發。甘遂何可以妄攻。虛盛之治。相背千里。吉凶之機。應若影響。豈容易哉。况

桂枝下咽。陽盛卽斃。承氣入胃。陰盛以亡。死生之要。在乎須臾。視身之盡。不暇計日。

此陰陽虛實之交錯。其候至微。發汗吐下之相反。其禍至速。而醫術淺狹。懵然不知

病源。爲治乃誤。使病者殞沒。自謂其分。至今冤魂。塞於冥路。死屍盈於曠野。仁者鑒

此。豈不痛歟。師自注曰。神丹卽發汗之劑。因發汗卽愈。古人謂之神妙。故曰。神丹。甘遂。古湯名。甘遂三錢。大黃四兩。芒硝二兩。攻之。卽下之。

凡兩感病俱作。治有先後。發表攻裏。本自不同。而執迷用意者。乃云神丹甘遂合而

飲之。且解其表。又除其裏。言巧似是。其理實違。夫智者之舉錯也。常審以慎。愚者之動作也。必果而速。安危之變。豈可詭哉。世上之士。但務彼翕習之榮。而莫見此傾危之敗。惟明者居然能護其本。近取諸身。夫何遠之有焉。

凡發汗溫煖湯藥。其方雖言日三服。若病劇不解。當促其間。可半日中盡三服。若與病相阻。即便有所覺。病重者。一日一夜。當晬時觀之。如服一劑。病證猶在。故當復作本湯服之。至有不肯汗出。服三劑乃解。若汗不出者。死病也。

凡得時氣病。至五六日。而渴欲飲水。飲不能多。不當與也。何者。以腹中熱尚少。不能消之。便更與人作病也。至七八日。大渴欲飲水者。猶當依證而與之。與之常令不足。勿極意也。言能飲一斗。與五升。若飲而腹滿。小便不利。若喘若噦。不可與之也。忽然大汗出。是爲自愈也。

凡得病反能飲水。此爲欲愈之病。其不曉病者。但聞病飲水自愈。小渴者乃強與飲。

之。因成其禍。不可復數也。

凡得病。厥脈動數。服湯更遲。脈浮大減小。初躁後靜。此皆愈證也。

凡治溫病。可刺五十九穴。又身之穴三百六十有五。其三十穴。灸之有害。七十九穴。刺之爲災。并中髓也。

脈四損。三日死。平人一通作本息。病人脈一至。名曰四損。

脈五損。一日死。平人二通作本息。病人脈一至。名曰五損。

脈六損。一時死。平人三通作本息。病人脈一至。名曰六損。

四損經氣絕。五損府氣絕。六損藏氣絕。真氣不行於經。曰經氣絕。不行於府。曰府氣絕。不行於藏。曰藏氣絕。經氣絕則四肢不舉。府氣絕則不省人事。藏氣絕則一身盡

冷。通本佚

脈盛身寒。得之傷寒。脈虛身熱。得之傷暑。脈陰陽俱盛。大汗出。下之下之二字。通本闕。不解。

者死。脈陰陽俱虛。熱不止者死。脈至乍數乍疏者死。脈至如轉索。按之不易者。本通行
其日死。讖言妄語。身微熱。脈浮大。手足溫者生。逆冷脈沉細者。不過一日死矣。此以
前是傷寒熱病證候也。

按本篇較通行本增傳經證治七條。及兩感脈象方治。共多三百四十字。刪者三十九字。正誤者十字。訂正增入者十二字。

附方

麻黃湯方

麻黃 三兩 去節 桂枝 二兩 去皮 甘草 一兩 炙 杏仁 七十個 去皮尖

右四味。以水九升。先煮麻黃。減二升。去上沫。內諸藥。煮取二升半。去滓。溫服八合。覆取微似汗。不須啜粥。餘如桂枝法將息。

白虎湯方

知母 六兩 石膏 一斤 碎 甘草 二兩 炙 粳米 六合

右四味。以水一斗。煮米熟。湯成去滓。溫服一升。日三服。

大承氣湯方

大黃

四兩
酒洗

厚朴

半斤
炙
去皮

枳實

五枚
芒消
三合

右四味。以水一斗。先煮二物。取五升。去滓。內大黃。更煮取二升。去滓。內芒消。更上微火一兩沸。分溫再服。得下。餘勿服。

小承氣湯方

大黃

四兩
酒洗

厚朴

二兩
炙
去皮

枳實

三枚
大
者
炙

右三味。以水四升。煮取一升二合。去滓。分溫二服。初服湯當更衣。不爾者。盡飲之。若更衣者。勿服之。

調胃承氣湯方

甘草

二兩
炙

芒消

半升

大黃

四兩
清
酒洗

右三味切。以水三升。煮二物至一升。去滓。內芒消。更上微火一二沸。溫頓服之。以調胃氣。

小柴胡湯方

柴胡半斤 黃芩 人參 甘草炙 生薑各三兩切 大棗十二枚擘 半夏半升洗

右七味。以水一斗二升。煮取六升。去滓。再煎。取三升。溫服一升。日三服。

茯苓白朮厚朴石膏黃芩甘草湯方

茯苓四兩 白朮三兩 厚朴四兩 石膏半斤 黃芩三兩 甘草二兩炙

右六味。以水一斗。煮取五升。每服一升五合。日三服。

附子細辛黃芩黃連湯方

附子大者一枚炮去皮破八片 細辛二兩 黃連四兩 黃芩二兩

右四味。以水六升。煮取三升。溫服一升。日三服。

桂枝當歸半夏芍藥黃柏湯方

桂枝 二兩 當歸 三兩 半夏 一升 芍藥 三兩 黃柏皮 二兩 甘草 二兩

右六味。以水七升。煮取四升。去滓。溫分三服。

烏梅丸方

烏梅 三百枚 細辛 六兩 乾薑 十兩 黃連 十六兩 當歸 四兩 附子 六兩 蜀椒 四兩

桂枝 六兩 人參 六兩 黃蘗 六兩

右十味。異擣篩。合治之。以苦酒漬烏梅一宿。去核。蒸之五斗米下。飯熟擣成泥。和藥令相得。內白中。與蜜杵二千下。丸如梧桐子大。先食飲服十丸。日三服。稍加至二十丸。禁生冷滑物臭食等。

大青龍湯方

麻黃 六兩 桂枝 二兩 甘草 二兩 杏仁 四十枚 生薑 三兩 大棗 十枚 石膏 加雞子

附子 一枚炮去皮切八片去

右八味。以水九升。先煮麻黃。減二升。去上沫。內諸藥。煮取三升。去滓。溫服一升。取微似汗。汗出多者。溫粉粉之。一服汗者。停後服。若復服。汗多亡陽。遂一作逆虛。惡風煩躁。不得眠也。

大黃石膏茯苓白朮枳實甘草湯方

大黃 四兩 石膏 一斤 茯苓 三兩 白朮 四兩 枳實 三兩 甘草 三兩

右六味。以水八升。煮取五升。溫分三服。

當歸附子人參黃連黃柏湯方

當歸 四兩 附子 大者一枚炮去皮切八片 人參 三兩 黃連 二兩 黃柏 三兩

右五味。以水六升。煮取三升。溫服一升。日三服。

按本卷增方五。計二百七十二字。

傷寒雜病論卷第四

漢長沙太守南陽張機仲景述

溫病脈證并治第四

按溫病證治。通行本全佚。

溫病有三。曰春溫。曰秋溫。曰冬溫。此皆發於伏氣。夏則病暑而不病溫。

冬傷於寒。其氣伏於少陰。至春發爲溫病。名曰春溫。

夏傷於濕。其氣伏於太陰。至秋燥乃大行。發爲溫病。名曰秋溫。

氣不當至而至。初冬乃大寒。燥以內收。其氣伏於厥陰。冬至後天應寒而反溫。發爲溫病。名曰冬溫。

春秋病溫者。此其常。冬溫者。此爲變也。冬時應寒而反大溫。此非其時而蓄其氣。及時不病。至春乃發。名曰大溫。此由冬不藏精。氣失其正。春時陽氣外發。二氣相搏。爲病則重。醫又不曉病源。爲治乃誤。屍氣流傳。遂以成疫。

病春溫。其氣在上。頭痛咽乾。發熱目眩。甚則讖語。脈弦而急。宜小柴胡加黃連丹皮主之。

小柴胡加黃連丹皮湯方

柴胡

半斤 黃芩

三兩 括蕪根

四兩 人參

三兩 黃連

三兩 丹皮

四兩 甘草

炙 三兩

生薑

三兩

大棗

十二枚

右九味。以水一斗二升。煮取六升。去滓。溫服一升。日三服。

病秋溫。其氣在中。發熱口渴。腹中熱痛。下利便膿血。脈大而短澇。宜乾地黃知母黃連阿膠湯主之。不便膿血者。宜白虎湯主之。

乾地黃知母黃連阿膠湯方

乾地黃

八兩

知母

四兩

黃連

三兩

阿膠

二兩

右四味。以水一斗。先煮乾地黃知母黃連三味。煎取四升。去滓。納膠融消。溫服一

升。日三服。

白虎湯方

知母

六兩

石膏

一斤

甘草

二兩

粳米

六合

右四味。以水一斗。煮米熟。湯成去滓。溫服一升。日三服。

病冬溫。其氣在下。發熱腹痛引少腹。夜半咽中乾痛。脈沉實。時而大數。宜石膏黃連黃芩湯主之。不大便六七日。宜大黃黃芩丹皮乾地黃湯主之。

石膏黃連黃芩湯方

石膏

半斤碎
綿裹

黃連

三兩

黃芩

四兩

右三味。以水一斗。煮取六升。溫服二升。日三服。

大黃黃芩丹皮乾地黃湯方

大黃

四兩

黃芩

三兩

丹皮

三兩

乾地黃

四兩

右四味。以水一斗二升。煮取五升。溫服二升。大便利。止後服。

病溫。頭痛面赤發熱。手足拘急。脈浮弦而數。名曰風溫。防風黃芩梔子丹皮芍藥湯主之。

防風黃芩梔子丹皮芍藥湯方

防風 三兩 黃芩 三兩 梔子 十四枚 丹皮 三兩 芍藥 三兩

右五味。以水六升。煎取三升。去滓。溫服一升。日三服。

病溫素有濕。發熱唇焦。下利熱。腹中痛。脈大而濇。名曰濕溫。豬苓湯加黃連丹皮主之。

豬苓湯加黃連丹皮方

豬苓 去皮 茯苓 澤瀉 阿膠 滑石 碎各一兩 黃連 一兩 丹皮 二兩

右七味。以水四升。先煮六味。取二升。去滓。內阿膠烱消。溫服一升。日再服。

病溫。舌赤咽乾。心中煩熱。脈急數上寸口者。溫邪干心也。黃連黃芩阿膠湯主之。

黃連 一兩 黃芩 一兩 阿膠 一兩

右三味。以水一斗。先煮二味。取四升。去滓。內阿膠烱消。溫服一升。日三服。

病溫。口渴咳嗽。衄不可制。脈浮短而數者。溫邪乘肺也。黃芩石膏杏子湯主之。

黃芩 三兩 石膏 半斤 杏子 十四枚
碎 去皮尖

右三味。以水五升。煮取三升。去滓。溫服一升。

病溫。發熱從腰以下甚者。少腹熱痛。小便赤數。脈急數下尺中者。溫邪移腎也。乾地黃黃柏秦皮茯苓澤瀉湯主之。

乾地黃黃柏秦皮茯苓澤瀉湯方

乾地黄 六兩 黃柏 三兩 秦皮 二兩 茯苓 三兩 澤瀉 一兩

右五味。以水八升。煮取三升。去滓。溫服一升。日三服。

病大溫。發熱。頭暈目眩。齒枯唇焦。讖語不省人事。面乍青乍赤。脈急大而數。大黃黃連地黃丹皮香蒲湯主之。若喉痺不能下藥。針少商令出血。若脈乍疏乍數。目內陷者。皆不可治。

大黃黃連地黃丹皮香蒲湯方

大黃 四兩 黃連 三兩 乾地黄 半斤 丹皮 六兩 香蒲 一兩

右五味。以水一斗。煮取六升。去滓。溫服一升。日三服。

溫病下之。大便澹。當自愈。若大下之。下利不止。必腹滿。宜茯苓白朮甘草湯主之。

茯苓白朮甘草湯方

茯苓 四兩 白朮 三兩 甘草 一兩

右三味。以水八升。煮取三升。溫服一升。日三服。

風溫者。因其人素有熱。更傷於風。風性急而化燥。脈浮弦而數。頭不痛。桂枝湯加黃芩丹皮主之。此非伏氣病溫也。伏氣病溫。誤發其汗。則生大熱煩冤。唇焦目赤。或吐血衄血。耳聾。脈大而數者。瀉之以白虎湯。中焦實者以承氣。若至十餘日則在裏。宜黃連阿膠湯。何以知在裏。脈沉而數。心煩不得臥。故知也。

桂枝湯加黃芩丹皮方

桂枝

三兩
去皮

芍藥

三兩

甘草

二兩
炙

生薑

三兩
切

大棗

十二
枚擘

黃芩

三兩

丹皮

三兩

右七味。以水八升。煮取三升。去滓。溫服一升。

白虎湯方

見前

大承氣湯方

大黃

四兩
酒洗

厚朴

半斤
去皮

枳實

五枚
炙

芒消

三分

右四味。以水一斗。先煮二物。取五升。去滓。內大黃。更煎取二升。內芒消。更上微火。一兩沸。分溫再服。得下。餘勿服。

小承氣湯方

大黃 四兩 酒洗 厚朴 二兩 炙 去皮 枳實 三枚 大 者 炙

右三味。以水四升。煮取一升二合。去滓。分溫二服。初服當更衣。不爾者。盡飲之。若更衣者。勿服之。

調胃承氣湯方

大黃 四兩 去皮 清酒洗 甘草 二兩 炙 芒消 半斤

右三味。以水三升。煮取一升。去滓。內芒消。更上火微煮令沸。少少溫服之。

黃連阿膠湯方

黃連 四兩 芍藥 二兩 黃芩 二兩 阿膠 三兩 雞子黃 一枚 二枚

右五味。以水六升。先煮三物。取二升。去滓。內阿膠烱消。小冷。納雞子黃。攪令相得。溫服七合。日三服。

病溫。治不得法。留久移於三焦。其在上焦。則舌蹇神昏。宜梔子湯。其中焦。則腹痛而利。利後腹痛。唇口乾燥。宜白虎加乾地黃湯。其在下焦。從腰以下熱甚。齒黑咽乾。宜百合地黃湯加丹皮半夏茯苓主之。

梔子湯方

梔子

十六枚

黃芩

三兩

半夏

半斤

甘草

二兩

右四味。以水四升。煮梔子。取二升半。去滓。內三味。煮取一升。去滓。分二服。

白虎加乾地黃湯方

知母

六兩

石膏

一斤

甘草

二兩

粳米

六合

乾地黃

六兩

右五味。以水一斗。煮米熟。湯成去滓。溫服一升。

百合地黃加丹皮半夏茯苓湯方

百合七枚 生地黄汁 一升 丹皮 六兩 半夏 一升 茯苓 四兩

右五味。先以水洗百合。漬一宿。當白沫出。去其水。別以泉水二升。煎取一升。去滓。別以泉水四升。煎丹皮半夏茯苓三味。煮取二升。內地黃汁。煎取三升。溫服一升。

按本卷增經文十七條、計八百零二字、增方十五、計六百四十字、共增一千四百四十二字、

此方在傷寒論中，其藥味與後方不同。按本卷增經文十七條、計八百零二字、增方十五、計六百四十字、共增一千四百四十二字、

傷寒雜病論卷第五

漢長沙大守南陽張機仲景述

傷暑脈證并治第五

傷暑。肺先受之。肺為氣府。暑傷元氣。寸口脈弱。口渴汗出。神昏氣短。竹葉石膏湯主

之。通行本佚

竹葉石膏湯方

竹葉

兩把

粳米

半夏

各半升

麥冬

一升

炙草

二兩

人參

二兩

石膏

一升

右七味。以水一斗。煮取六升。去滓。內粳米。米熟湯成。溫服一升。日三服。

素熱傷暑。發熱汗出口渴。脈弱而大。名曰中喝。人參白虎加黃連阿膠湯主之。通行本佚

人參白虎加黃連阿膠湯方

知母

六兩

石膏

一斤

甘草

二兩

粳米

六合

人參

三兩

黃連

三兩

阿膠

二兩

右七味。以水一斗。先煮六味。煮米熟。湯成去滓。內膠烱消。溫服一升。日三服。

傷暑汗出已。發熱煩躁聲嘶。脈反浮而數者。此為肺液傷。百合地黃湯加牡蠣主之。

通行
本佚

百合地黃湯加牡蠣方

百合 七枚 生地黃汁 一升 牡蠣 二兩

右三味。先以水洗百合。浸一宿。當白沫出。去其水。更以泉水二升。煎二味。取一升。

去滓。內地黃汁。煎取一升五合。分溫再服。

傷暑。心下有水氣。暑熱與水氣相蒸。發為暑濕舍肺。汗出咳嗽。渴欲飲水。飲水則嘔。

脈弱而滑。瓜蒌茯苓貝母枳實湯主之。通行
本佚

瓜蒌茯苓貝母枳實湯方

瓜蒌 大者一枚
共皮子搗 茯苓 三兩 貝母 三兩 枳實 二兩

右四味。以水五升。煎取二升。溫服一升。日再服。

傷暑發熱無汗。水行皮中故也。脈必浮而滑。先以熱水灌之。令汗出。後以竹茹括蕒

根茯苓半夏湯主之。通行本佚

竹茹括蕒根茯苓半夏湯方

生竹茹 二兩 括蕒根 三兩 茯苓 三兩 半夏 半升

右四味。以水五升。煮取三升。分溫三服。

太陽中熱者。喝是也。其人汗出。惡寒身熱而渴也。白虎加人參湯主之。

白虎加人參湯方

知母 六兩 石膏 一兩碎 綿裹 甘草 二兩炙 粳米 六合 人參 三兩

右五味。以水一斗。煮米熟。湯成去滓。溫服一升。日三服。

太陽中喝者。身熱疼重。而脈微弱。此以夏月傷冷水。水行皮中所致也。豬苓湯加人

參主之一物瓜蒂湯亦主之。豬苓加人參湯主之。一句。通行本闕。

豬苓湯如人參湯方

豬苓 澤瀉 茯苓 滑石 阿膠各一兩 人參三兩

右六味。以水四升。先煮五味。取二升。內阿膠烱消。溫服七合。日三服。

一物瓜蒂湯方

瓜蒂二十個

右剉。以水一升。煮取五合。去滓。頓服。

凡病暑者當汗出。汗不出者必發熱。發熱者必不汗出也。不可發汗。發汗則發熱煩躁失聲。此為肺液枯。加息高氣賁者不治。通行本佚

傷暑。夜臥不安。煩躁舌赤。讞語。脈當數。此為暑邪干心。宜黃連半夏石膏湯主之。通行本佚

佚本

黃連半夏石膏湯方

黃連 三兩 半夏 一升 石膏 半斤碎

右三味。以水三升。煮取二升。去滓。溫服六七合。日三服。

太陽中喝者。發熱惡寒。身重而疼痛。其脈弦細芤遲。小便已。灑灑然毛聳。手足逆冷。小有勞。身即熱。口開前板齒燥。若發汗則惡寒甚。加溫針則發熱甚。數下之則淋甚。

宜當歸四逆湯。通行本
佚方治

當歸四逆湯方

當歸 桂枝 芍藥 細辛 各三兩 甘草 炙 通草 各二兩 大棗 二十五枚擘

法十 人參 四兩 附子 一枚

右九味。以水八升。煮取三升。去滓。溫服一升。日三服。按人參附子
通行本關

傷暑。脈弱。口渴汗大出。頭暈者。宜用竹葉石膏人參黃連半夏湯主之。通行
本佚

竹葉石膏人參黃連半夏湯方

竹葉 一把 石膏 一斤 人參 三兩 黃連 二兩 半夏 半斤

右五味。以水六升。煮取三升。去滓。溫服一升。日三服。

傷暑者。頭不痛。頭痛者風也。頭重者濕也。通行本佚

按本篇增經文九條、增字十四、計三百十八字、增方八、計二百八十字、共增五百

九十八字

熱病脈證并治第六 按通行本本篇全佚

熱之為病。有外至。有内生。外至可移。內有定處。不循經序。舍於所合。與溫相似。根本異源。傳經化熱。伏氣變溫。伊古不曉。認為一體。如此殺人。莫可窮極。為子條記。傳與後賢。

熱病。面赤。口爛。心中痛欲嘔。脈洪而數。此熱邪干心也。黃連黃芩瀉心湯主之。

黃連黃芩瀉心湯方

黃連 三兩

黃芩 二兩

右二味。以水二升。煮取一升。日再服。

熱病。身熱左脅痛。甚則狂言亂語。脈弦而數。此熱邪乘肝也。黃連黃芩半夏豬膽汁湯主之。

黃連黃芩半夏豬膽汁湯方

黃連 二兩

黃芩 三兩

半夏 一升

豬膽 大者一枚

右四味。以水六升。煎取三升。納膽汁。和合相得。分溫再服。

熱病。腹中痛不可按。體重不能俯仰。大便難。脈數而大。此熱邪乘脾也。大黃厚朴甘草湯主之。

大黃厚朴甘草湯方

大黃

四兩

厚朴

六兩

甘草

三兩

右三味。以水五升。煮取二升。服一升。得大便利。勿再服。

熱病。口渴喘嗽。痛引胸中。不得太息。脈短而數。此熱邪乘肺也。黃連石膏半夏甘草湯主之。

黃連石膏半夏甘草湯方

黃連

二兩

石膏

一升

半夏

半斤

甘草

三兩

右四味。以水六升。煮取三升。溫服一升。日三服。

熱病。咽中乾。腰痛。足下熱。脈沉而數。此熱邪移腎也。乾地黃黃柏黃連半夏湯方

乾地黃

半斤

黃柏

六兩

黃連

三兩

半夏

一升

右四味。以水八升。煮取三升。溫服一升。日三服。

濕病脈證并治第七

濕氣為病。內外上下。四處流行。隨邪變化。各其病形。按法診治。勿失紀綱。通行本佚。

濕氣在上。中於霧露。頭痛項強。兩額疼痛。脈浮而濇。黃耆桂枝茯苓細辛湯主之。通行本佚。

佚本

黃耆 三兩 桂枝 二兩 茯苓 三兩 細辛 一兩 甘草 二兩

右五味。以水五升。煎取三升。分溫再服。

濕氣在下。中於冷水。從腰以下重。兩足腫。脈沉而濡。桂枝茯苓白朮細辛湯主之。通行本佚。

佚本

桂枝茯苓白朮細辛湯方

桂枝 三兩 茯苓 四兩 白朮 三兩 細辛 二兩

右四味。以水六升。煮取二升。去滓。溫服一升。

濕氣在外。因風相搏。流於經絡。骨節煩疼。臥不欲食。脈浮緩。按之澹。桂枝湯微發其汗。令風濕俱去。若惡寒身體疼痛。四肢不仁。脈浮而細緊。此為寒氣並。桂麻各半湯主之。

桂枝湯三合。麻黃湯三合。併服之。得微汗。病即解。

濕氣在內。與脾相搏。發為中滿。胃寒相將。變為泄瀉。中滿。宜白朮茯苓厚朴湯。泄瀉。宜理中湯。若上干肺。發為肺寒。宜小青龍湯。下移腎。發為淋漓。宜五苓散。流於肌肉。發為黃腫。宜麻黃茯苓白朮防己赤小豆湯主之。若流於經絡。與熱氣相乘。則發癰膿。脾胃素寒。與濕久留。發為水飲。與燥相搏。發為痰飲。治屬飲家。通本行佚。

白朮茯苓厚朴湯方

白朮 三兩 茯苓 四兩 厚朴 二兩 炙 去皮

右三味。以水五升。煎取一升五合。去滓。分溫再服。

麻黃茯苓白朮防己赤小豆湯方

麻黃

二兩 去節

茯苓

三兩

白朮

三兩

防己

一兩

赤小豆

一升

右五味。以水七升。先煮麻黃再沸。去上沫。內諸藥。煮取三升。去滓。分溫再服。一日盡服。

太陽病。關節疼痛而煩。脈沉而細者。此名濕痺。濕痺之候。其人小便不利。大便反快。但當利其小便。

濕家之為病。一身盡疼。發熱。身色如似熏黃。

濕家其人但頭汗出。背強。欲得被覆向火。若汗

通作本 誤作下

之早則噦。胸滿小便不利。

舌上滑

通作本 誤作如

胎者。以丹田有熱。胸中有寒。渴欲得水。而不能飲。口燥煩也。

濕家下之。額上汗出微喘。小便利者死。若下利不止者。亦死。

問曰。風濕相搏。一身盡疼痛。法當汗出而解。值天陰雨不止。醫云。此可發汗。汗之病

不愈者何也。答曰。發其汗。汗大出者。但風氣去。濕氣在。是故不愈也。若治風濕者。發其汗。但微微似欲出汗者。風濕俱去也。

濕家病身上疼痛。發熱面黃而喘。頭痛鼻塞而煩。其脈大。自能飲食。腹中和無病。病在頭中。寒濕故鼻塞。內藥鼻中則愈。

蒲灰 細辛 皂莢 麻黃

右四味爲末。以葱白汁調和。內鼻中。方通行本佚。

濕家身煩疼。可與麻黃加朮湯。發其汗爲宜。慎不可以火攻之。

麻黃加朮湯方。通行本闕。按此條亦見金匱。

麻黃 三兩 去節 桂枝 二兩 去皮 甘草 一兩 炙 白朮 四兩 杏仁 七十箇 去皮尖

右五味。以水九升。先煮麻黃。減二升。內諸藥。煮取二升半。去滓。溫服八合。覆取微汗。

病者。一身盡疼。發熱。日晡所劇者。此名風濕。此病傷於汗出當風。或久傷取冷所致也。可與麻黃杏仁薏苡甘草湯。

麻黃 杏仁 薏苡 甘草

右剉麻豆大。每服四錢七。水一盞半。煎八分。去滓。溫服。有微汗。避風。通行本。極濕。喝同篇。有此

條而闕方治。其列入金匱者。有方。

風濕。脈浮身重。汗出惡風者。防己黃芪湯主之。通行本。闕。按此條亦見金匱。

防己黃芪湯方

防己 一兩 甘草 五錢 白朮 七錢 黃芪 一兩

右剉麻豆大。每抄五錢匕。生薑四片。大棗一枚。水盞半。煎八分。去滓。溫服。

喘者。加麻黃半兩。胃中不和者。加芍藥三分。氣上衝者。加桂枝三分。下有陳寒者。加細辛三分。服後當如蟲行皮中。從腰下如冰。後坐被上。又以一被繞腰下。溫令微汗。

差。

傷寒八九日。風濕相搏。不能自轉側。不嘔不渴。脈浮虛而澹者。桂枝附子湯主之。若

大便堅小便自利者。去桂枝加白朮湯主之。通行本。誤列太陽下篇。金匱瘧濕喝篇。重出。

桂枝附子湯方

桂枝 四兩 附子 三枚炮去皮破八片 生薑 三兩切 甘草 二兩炙 大棗 十二枚擘

右五味。以水六升。煮取二升。去滓。分溫三服。

白朮附子湯方

白朮 一兩 附子 一枚炮去皮 甘草 二兩炙 生薑 牛一兩 大棗 六枚

右五味。以水三升。煮取一升。去滓。分溫三服。一服身覺痺。半日許再服。三服都盡。

其人如冒狀。勿怪。即是朮附並走皮中。遂水氣未得除故耳。

風濕相搏。骨節疼煩。掣痛不得屈伸。近之則痛劇。汗出短氣。小便不利。惡風不欲去

衣。或身微腫者。甘草附子湯主之。通行本。誤列在太陽下。篇。金匱。痼濕。喝篇。重出。

甘草附子湯方

甘草 二兩 附子 二枚炮 白朮 二兩 桂枝 四兩

右四味。以水六升。煮取三升。去滓。溫服一升。日三服。初服得微汗則解。能食汗出復煩者。服五合。恐一升多者。宜服六七合為妙。

按本篇增經文五條。計二百七十七字。增方五。計二百二十二字。共四百九十九字。

傷燥脈證并治第八 按通行本

傷燥。肺先受之。出則大腸受之。移傳五藏。病各異形。分別診治。消息脈經。

燥病。口渴咽乾。喘咳胸滿痛。甚則唾血。脈浮短而急。此燥邪干肺也。柏葉石膏杏子甘草湯主之。若移於大腸。必大便難。口渴欲熱飲。脈急大在下者。麻仁白蜜煎與之。柏葉石膏杏子甘草湯方

柏葉 三兩 石膏 半斤 杏仁 三十枚 甘草 二兩
去皮尖 炙

右四味。以水五升。煎取三升。去滓。溫服一升。

麻仁白蜜湯方

麻仁 一升 食蜜 六合

右二味。以水四升。先煎麻仁。煮取一升五合。內蜜微沸。和合令小冷。頓服之。

燥病。口爛。熱氣上逆。胸中痛。脈大而濇。此燥邪乘心也。梔子連翹甘草括蕞根湯主之。

梔子連翹甘草括蕞根湯方

梔子 十四箇 連翹 二兩 甘草 二兩 括蕞根 四兩

右四味。以水七升。煮取三升。去滓。每服一升。日三服。

燥病。目赤。口苦咽乾。脅下痛。脈弦而數。此燥邪乘肝也。黃芩丹皮括蕞半夏枳實湯

主之。

黃芩丹皮括蕞半夏枳實湯方

黃芩 三兩 丹皮 二兩 半夏 半升 括蕞實 大者一枚 枳實 二兩

右五味。以水五升。煎取三升。去滓。溫服一升。

燥病。色黃。腹中痛不可按。大便難。脈數而滑。此燥邪乘脾也。白虎湯主之。

白虎湯方

知母 六兩 石膏 一斤 甘草 二兩 粳米 六合

右四味。以水一斗。煮米熟。湯成去滓。溫服一升。日三服。

燥病。咽乾喉痛。少腹急痛。小便赤。脈沉而急。此燥邪移腎也。乾地黃黃柏茯苓括蕞湯主之。

乾地黃黃柏茯苓括蕞湯方

傷寒雜病論卷第六

漢長沙太守南陽張機仲景述

辨太陽病脈證并治上

太陽之爲病。脈浮。頭項強痛而惡寒。

太陽病發熱。汗出惡風。脈緩者。名爲中風。太陽病。或已發熱。或未發熱。必惡寒。體痛嘔逆。脈陰陽俱緊者。名曰傷寒。

傷寒一日。太陽受之。脈若靜者。爲不傳。頗欲吐。若躁煩。脈數急者。爲傳也。

傷寒二三日。陽明少陽證不見者。爲不傳也。

太陽病發熱而渴。不惡寒者。爲溫病。若發汗已。身灼熱者。名風溫。風溫爲病。脈陰陽俱浮。自汗出。身重。多眠睡。鼻息必鼾。語言難出。若被下者。小便不利。直視失溲。若被火者。微發黃色。劇則如驚癇。時瘳瘳。若火熏之。一逆尙引日。再逆促命期。

病有發熱惡寒者。發於陽也。無熱惡寒者。發於陰也。發於陽。七日愈。發於陰。六日愈。以陽數七。陰數六故也。

太陽病。頭痛至七日以上自愈者。以行其經盡故也。若欲作再經者。鍼足陽明。使經不傳則愈。

太陽病欲解時。從巳至未上。風家。表解而不了了者。十二日愈。

病人身大熱。反欲得衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

太陽中風。陽浮而陰弱。陽浮者。熱自發。陰弱者。汗自出。嗇嗇惡寒。淅淅惡風。翕翕發熱。鼻鳴乾嘔者。桂枝湯主之。

桂枝 二兩 去皮 芍藥 三兩 甘草 二兩 炙 生薑 三兩 切 大棗 十二枚 擘

右五味。呔咀三味。以水七升。微火煮取三升。去滓。適寒溫。服一升。服已須臾。歔熱稀粥一升。餘以助藥力。溫服令一時許。遍身熱熱。微似有汗者益佳。不可令如水流離。病必不除。若一服汗出病差。停後服。不必盡劑。若不汗。更服依前法。又不汗。後服小促其間。半日許令三服盡。若病重者。一日一夜服。周時觀之。服一劑盡。病證猶在者。更作服。若汗不出。乃服至二三劑。禁生冷粘滑肉麵。五辛酒酪臭惡等物。

太陽病。頭痛發熱。汗出惡風。桂枝湯主之。方二。用前第一方。

太陽病。項背強几几。及通反。本汗出惡風者。桂枝加葛根湯主之。方三。

葛根四兩芍藥二兩生薑三兩甘草二兩大棗十二枚桂枝二兩通本。有

右六通本。誤作七。味。以水一斗。先煮通本。誤入葛根。減二升。去上沫。內諸藥。煮取三

升。去滓。溫服一升。覆取微似汗。不須啜粥。餘如桂枝法。將息及禁忌。

太陽病。下之後。其氣上衝者。可與桂枝湯。方用前法。若不上衝者。不得與之。四
太陽病。三日。已發汗。若吐。若下。若溫針。仍不解者。此爲壞病。桂枝不中與之也。觀其
脈證。知犯何逆。隨證治之。

桂枝本爲解肌。若其人脈浮緊。發熱汗不出者。不可與也。常須識此。勿令誤也。五
若酒客病。不可與桂枝湯。得之則嘔。以酒客不喜甘故也。

喘家作桂枝湯。加厚朴杏子佳。六

凡服桂枝湯吐者。其後必吐膿血也。

太陽病。發汗遂漏不止。其人惡風。小便難。四肢微急。難以屈伸者。桂枝加附子湯主
之。方七

桂枝

三兩
去皮

芍藥

三兩

甘草

三兩
炙

生薑

三兩
切

大棗

十二
枚擘

附子

一枚
炮去
皮破
八片

右六味。

以水七升。煮取三升。去滓。溫服一升。本云。桂枝湯。今加附子。將息如前法。

太陽病。下之後。脈促胸滿者。桂枝去芍藥湯主之。方八促一作縱。

桂枝 三兩 甘草 二兩 生薑 三兩 大棗 十二枚

右四味。以水七升。煮取三升。去滓。溫服一升。本云桂枝湯。今去芍藥。將息如前法。

若微惡通行本。少惡字。寒者。桂枝去芍藥加附子湯主之。方九

桂枝 三兩 甘草 二兩 生薑 三兩 大棗 十二枚 附子 一枚炮去皮破八片

右五味。以水七升。煮取三升。去滓。溫服一升。本云桂枝湯。今去芍藥加附子。將息

如前法。

太陽病。得之八九日。如瘧狀。發熱惡寒。熱多寒少。其人不嘔。清便欲自可。一日二三度發。脈微緩者。為欲愈也。脈微而惡寒者。此陰陽俱虛。不可更發汗。更下。更吐也。面色反有熱色者。未欲解也。以其不能得小汗出。身必癢。宜桂枝麻黃各半湯。方十

桂枝 一兩十六銖 芍藥 生薑 甘草 炙 麻黃 各一兩 大棗 四枚 杏仁 二十枚

湯浸。去皮尖
及兩仁者。

右七味。以水五升。先煮麻黃一二沸。去上沫。內諸藥。煮取一升八合。去滓。溫服六合。本云桂枝湯三合。麻黃湯三合。併為六合。頓服。將息如上法。

太陽病。初服桂枝湯。反煩不解者。先刺風池風府。却與桂枝湯。則愈。十一用前第一方。

服桂枝湯。大汗出。脈洪大者。與白虎湯。通行本。誤作與桂枝湯。如前法。若形似瘧。一日再發者。汗出

必解。宜桂枝二麻黃一湯。方十二

桂枝一兩十七銖。去皮。芍藥一兩六銖。麻黃十六銖。去節。生薑一兩六銖。切。杏仁十六箇。去皮尖。甘草一兩二銖。炙。大

棗五枚。擘。

右七味。以水五升。先煮麻黃一二沸。去上沫。內諸藥。煮取二升。去滓。溫服一升。日

再服。本云桂枝湯二分。麻黃湯一分。合為二升。分再服。今合為一方。將息如前法。

服桂枝湯。大汗出後。大煩渴不解。脈洪大者。白虎加人參湯主之。方十三

知母 六兩 石膏 一斤碎

綿裹

甘草 二兩

粳米 六兩 人參 三兩

右五味。以水一斗。煮米熟。湯成去滓。溫服一升。日三服。

太陽病。發熱惡寒。熱多寒少。宜桂枝二越婢一湯。通行本。誤在不可發汗下。

若脈微弱者。此無陽

也。不可發汗。宜當歸四逆湯。本。闕行。方十四

桂枝 去皮 芍藥

麻黃

甘草 各十八銖

大棗 四枚

生薑 一兩二銖切

石膏 二十四銖碎綿裹

右七味。以水五升。煮麻黃一二沸。去上沫。內諸藥。煮取二升。去滓。溫服一升。本云

當裁為越婢湯。桂枝湯。合之。飲一升。今合為一升。桂枝湯二分。越婢湯一分。

服桂枝湯。或下之。仍頭項強痛。翕翕發熱。無汗。心下滿微痛。小便不利者。桂枝去桂

加茯苓白朮湯主之。方十五

芍藥 三兩 甘草 二兩

炙 生薑 切 白朮

茯苓 各三兩

大棗 十二枚

擘

右六味。以水八升。煮取三升。去滓。溫服一升。小便利則愈。本云桂枝湯。今去桂枝

加茯苓白朮。

傷寒脈浮。自汗出。小便數。心煩。微惡寒。脚攣急。反與桂枝湯。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。若厥愈足溫者。更作芍藥甘草湯與之。其脚卽伸。若胃氣不和讖語者。少與調胃承氣湯。若重發汗。復加燒針者。四逆湯主之。方十六

甘草乾薑湯方

甘草

炙 四兩

乾薑

二兩

右二味。以水三升。煮取一升五合。去滓。分溫再服。

芍藥甘草湯方

芍藥

甘草

各四兩 炙

右二味。以水三升。煮取一升五合。去滓。分溫再服。

調胃承氣湯方

大黃

四兩去皮
清酒洗

甘草

二兩
炙

芒消

半斤

右三味。以水三升。煮取一升。去滓內芒消。更上火微煮令沸。少少溫服之。

四逆湯方

人參

二兩

甘草

二兩
炙

乾薑

一兩
半

附子

一枚生用去
皮破八片

右四味。以水三升。煮取一升二合。去滓。分溫再服。強人可大附子一枚。乾薑三兩。

問曰。證具

通行本。
誤作象。

陽旦。按桂枝

通行本。少
桂枝二字。

法治之而增劇。厥逆。咽中乾。兩脛拘急而

識語。師曰。

通行本。誤
入言字。

夜半手足當溫。兩脚當伸。後如師言。何以知此。答曰。寸口脈浮

而大。浮為風。大為虛。風則生微熱。虛則兩脛攣。病形象桂枝。因加附子參其間。附子

溫經。增桂令汗出。

通行本。附子溫經句。誤
在增桂令汗出之下。

亡陽故也。厥逆咽中乾。煩躁。陽明內結。識

語煩亂。更飲甘草乾薑湯。夜半陽氣還。兩足當熱。脛尚微拘急。重與芍藥甘草湯。爾

乃脛伸。以承氣湯微瀉。則止其讖語。故知病可愈。師自注曰。陰虛即陽且劇。陽且即日中。此證宜用炙甘草湯。

師曰。陽且證。發熱不潮。汗出咽乾。昏睡不安。夜半反靜。宜乾地黄半夏牡蠣酸棗仁

湯主之。若口渴煩甚。小便赤。讖語者。竹葉石膏黃芩澤瀉半夏甘草湯主之。通行本佚。

乾地黄半夏牡蠣酸棗仁湯方。通行本佚。

乾地黄 六兩 半夏 半斤 牡蠣 二兩 酸棗仁 三兩

右四味。以水四升。煮取二升。分溫三服。

竹葉石膏黃芩澤瀉半夏甘草湯方

竹葉 兩把 石膏 半斤 黃芩 三兩 澤瀉 二兩 半夏 半升 甘草 二兩

右六味。以水五升。煮取三升。溫服一升。日三服。

按本卷訂正十八字、刪八字、增二十八字、增經文一條、計六十一字、增方二、計一百

零一字、共增一百九十字、

傷寒雜病論卷第七

漢長沙太守南陽張機仲景述

辨太陽病脈證并治中

太陽病。項背強几几。無汗惡風。葛根湯主之。方一。

葛根 四兩

麻黃 三兩

桂枝 三兩

生薑 三兩

甘草 二兩

芍藥 二兩

大棗 十二枚

右七味。以水一斗。先煮麻黃葛根。減二升。去白沫。內諸藥。煮取三升。去滓。溫服一

升。覆取微似汗。餘如桂枝法將息及禁忌。諸湯皆倣此。

太陽與陽明合病者。必自下利。葛根湯主之。方二。用前第一方。一云。用後第四方。

太陽與陽明合病。不下利。但嘔者。葛根加半夏湯主之。方三。

葛根 四兩

麻黃 一兩

甘草 二兩

芍藥 二兩

桂枝 二兩

生薑 二兩

半夏 半斤

大棗 二十

擘枚

右八味。以水一斗。先煮葛根麻黃。減二升。去白沫。內諸藥。煮取三升。去滓。溫服一升。覆取微似汗。

太陽病。桂枝證。醫反下之。利遂不止。脈促者。表未解也。喘而汗出者。葛根黃芩黃連湯主之。方四。促一作縱

葛根 半斤 甘草 二兩 黃芩 三兩 黃連 三兩

右四味。以水八升。先煮葛根。減二升。內諸藥。煮取二升。去滓。分溫再服。

太陽病。頭痛發熱。身疼腰痛。骨節疼痛。惡風無汗而喘者。麻黃湯主之。方五。

麻黃 三兩 桂枝 二兩 甘草 一兩 杏仁 七十箇

右四味。以水九升。先煮麻黃。減二升。去上沫。內諸藥。煮取二升半。去滓。溫服八合。覆取微似汗。不須啜粥。餘如桂枝法將息。

太陽與陽明合病。喘而胸滿者。不可下。宜麻黃湯。六。用前第五方

太陽病十日已去。脈浮細而嗜臥者。外已解也。設胸滿脅痛者。與小柴胡湯。脈但浮者。與麻黃湯。七。用前第五方

小柴胡湯方

柴胡 半斤 黃芩

人參

甘草 炙

生薑 各三兩切

大棗 十二枚擘

半夏 半升洗

右七味。以水一斗二升。煮取六升。去滓。再煮。取三升。溫服一升。日三服。

太陽傷寒。通行本誤作中風。脈浮緊。發熱惡寒身疼痛。不汗出而煩躁者。大青龍湯主之。若

脈微弱。汗出惡風者。不可服之。服之則厥逆。筋惕肉瞤。此為逆也。大青龍湯方八。

麻黃 六兩去節 桂枝 二兩去皮 甘草 二兩炙 杏仁 四十枚去皮尖 生薑 三兩切 大棗 十枚擘 石膏 如雞子碎

右七味。以水九升。先煮麻黃。減二升。去上沫。內諸藥。煮取三升。去滓。溫服一升。取

微似汗。汗出多者。溫粉粉之。一服汗者。停後服。若復服。汗多亡陽遂逆。一作虛惡風

煩躁。不得眠也。

太陽通行本闕中風。通行本誤作傷寒脈浮緩。身不疼。但重乍有輕時。無少陰證者。大青龍湯發

之九。用前第八方

傷寒表不解。心下有水氣。乾嘔。發熱而欬。或渴。或利。或噎。或小便不利少腹滿。或喘

者。小青龍湯主之。方十。

- 麻黃 去節 芍藥
- 細辛
- 乾薑
- 甘草 炙
- 桂枝 各三兩
- 五味子 半斤半

夏半升洗

右八味。以水一斗。先煮麻黃。減二升。去上沫。內諸藥。煮取三升。去滓。溫服一升。若

渴。去半夏。加括蕁根三兩。若微利。通行本誤入去麻黃加蕁花。如一雞子。熬令赤色。十四字。若噎者。去麻黃。加附

子一枚。炮。若小便不利少腹滿者。去麻黃。加茯苓四兩。若喘。通行本誤入去麻黃三字。加杏仁

斤。去皮尖。通行本多且蕁花不治利。麻黃主喘。今此語反之。疑非仲景意。二十字。或為叔和所注。

傷寒。心下有水氣。欬而微喘。發熱不渴。服湯已渴者。此寒去欲解也。小青龍湯主之。

十一。用前第十方第

太陽病。外證未解。脈浮弱者。當以汗解。宜桂枝湯。方十二。

桂枝去皮芍藥 生薑各三兩甘草二兩大棗十二枚

右五味。以水七升。煮取三升。去滓。溫服一升。須臾。啜熱稀粥一升。助藥力。取微汗。

太陽病。下之。微喘者。表未解故也。桂枝加厚朴杏子湯主之。方十三。

桂枝三兩甘草二兩生薑三兩芍藥三兩大棗十二枚厚朴二兩杏仁五十枚

右七味。以水七升。微火煮取三升。去滓。溫服一升。覆取微似汗。

太陽病。外證未解。不可下也。下之為逆。欲解外者。宜桂枝湯。十四。用前第十二方

太陽病。先發汗不解。而復下之。脈浮者不愈。浮為在外。而反下之。故令不愈。今脈浮。

故知在外。當須解外則愈。宜桂枝湯。十五。用前第十二方

太陽病。脈浮緊。無汗發熱身疼痛。八九日不解。表證仍在。此當發其汗。服藥已微除。

其人發煩目瞑。劇者必衄。衄乃解。所以然者。陽氣重故也。麻黃湯主之。十六。

用前方

太陽病。脈浮緊。發熱身無汗。自衄者愈。
二陽併病。太陽初得病時。發其汗。汗先出不徹。因轉屬陽明。續自微汗出。不惡寒。若
太陽病證不罷者。不可下。下之爲逆。如此可小發汗。設面色緣緣正赤者。陽氣怫鬱
在表。當解之熏之。若發汗不徹。本通行不足言。陽氣怫鬱不得越。當汗不汗。其人躁
煩。不知痛處。乍在腹中。乍在四肢。按之不可得。其人短氣。但坐以汗出不徹故也。更
發汗則愈。何以知汗出不徹。以脈濇故知也。

脈浮數者。法當汗出而愈。若下之。身重心悸者。不可發汗。當須汗出乃解。所以然者。
尺中脈微。此裏虛。須表裏實。津液自和。便自汗出愈。

脈浮緊者。法當身疼痛。宜以汗解之。假令尺中遲者。不可發汗。何以知之。然以榮氣
不足。血少故也。

脈浮者。病在表。可發汗。宜麻黃湯。十七。用前第五方

脈浮而數者。可發汗。宜麻黃湯。十八。用前第五方

病常自汗出者。此為榮氣和。榮氣和者。外不諧。以衛氣不共榮氣諧和。故爾。以榮行

脈中。衛行脈外。復發其汗。榮衛和則愈。宜桂枝湯。用前第十二方

病人藏無他病。時發熱自汗出。而不愈者。此衛氣不和也。先其時發汗則愈。宜桂枝

湯。二十。用前第十二方

傷寒脈浮緊。不發汗。因致衄者。麻黃湯主之。二十一。用前第五方

傷寒不大便六七日。頭痛有熱者。與承氣湯。其小便清者。一云大便青知不在裏。仍在表

也。當須發汗。若頭痛者。必衄。宜桂枝湯。二十二。用前第十二方

傷寒發汗已解。半日許復煩。脈浮數者。可更發汗。宜桂枝湯。二十三。用前第十二方

凡病。若發汗。若吐。若下。若亡血。亡津液。陰陽自和者。必自愈。

大下之後。復發汗。小便不利者。亡津液故也。勿治之。得小便利。必自愈。

下之後。復發汗。必振寒。脈微細。所以然者。以內外俱虛故也。

下之後。復發汗。晝日煩燥不得眠。夜而安靜。不嘔不渴。無表證。脈沉微。身無大熱者。

乾薑附子湯主之。方二十四。

乾薑 一兩 附子 一枚生用去皮切八片

右二味。以水三升。煮取一升。去滓頓服。

發汗後。身疼痛。脈沉遲者。桂枝去誤作加芍藥加通行本闕生薑通行本誤多各字一兩人參三

兩新加湯主之。方二十五。

桂枝 三兩去皮 甘草 二兩炙 人參 三兩 大棗 十二枚擘 生薑 四兩 芍藥 四兩通行本有

右五通行本作六味。以水一斗二升。煮取三升。去滓。溫服一升。通行本多本云桂枝湯今加芍藥生薑人參十三字。

發汗後。不可更行桂枝湯。汗出而喘。無大熱者。可與麻黃杏仁甘草石膏湯。方二十

六。

麻黃四兩 去節 杏仁五十箇 去皮尖 甘草二兩 炙 石膏半斤 碎 綿裹

右四味。以水七升。煮麻黃。減二升。去上沫。內諸藥。煮取二升。去滓。溫服一升。本通多行

本云黃耳 杯五字。

發汗過多。其人叉手自冒心。心下悸。欲得按者。桂枝甘草湯主之。方二十七。

桂枝四兩 去皮 甘草二兩 炙

右二味。以水三升。煮取一升。去滓頓服。

發汗後。其下臍下悸者。欲作奔豚。茯苓桂枝甘草大棗湯主之。方二十八。

茯苓半斤 桂枝四兩 去皮 甘草二兩 炙 大棗十五枚 擘

右四味。以甘瀾水一斗。先煮茯苓。減二升。內諸藥。煮取三升。去滓。溫服一升。日三

服。

作甘瀾水法。取水二斗。置大盆內。以杓揚之。水上有珠子五六千顆。相逐取用之。

奔豚病。從少腹上衝咽喉。發作欲死。復還止。皆從驚恐得之。通行本闕。按此條亦見金匱。

奔豚。氣上衝胸腹痛。往來寒熱。奔豚湯主之。通行本闕。按此條亦見金匱。

甘草 芎藭 當歸 黃芩 芍藥 半夏 生薑 生葛

桂枝 三兩 甘李根白皮亦可用通

右九味。以水二斗。煮取五升。溫服一升。日三夜一服。通行本闕

發汗後。腹脹滿者。厚朴生薑半夏甘草人生湯主之。方二十九。

厚朴 半斤 炙 去皮 生薑 半斤 切 半夏 半升 洗 甘草 二兩 人參 一兩

右五味。以水一斗。煮取三升。去滓。溫服一升。日三服。

傷寒。若吐若下後。心下逆滿。氣上衝胸。起則頭眩。腹沉緊。發汗則動經。身為振振搖

者。茯苓桂枝白朮甘草湯主之。方三十。

茯苓四兩 桂枝三兩 白朮去皮 甘草各二兩

右四味。以水六升。煮取三升。去滓。分溫三服。

發汗。病不解。反惡寒者。虛故也。芍藥甘草附子湯主之。方三十一。

芍藥 甘草各三兩 附子一枚 炮去皮破八片

右三味。以水五升。煮取一升五合。去滓。分溫三服。

發汗若下之。病仍不解。煩躁者。茯苓四逆湯主之。方三十二。

茯苓四兩 人參一兩 附子一枚 生用去皮破八片 甘草二兩 乾薑半兩

右五味。以水五升。煮取三升。去滓。溫服七合。日二服。

發汗後。惡寒者。虛故也。不惡寒但熱者。實也。當和胃氣。與調胃承氣湯。方三十三。玉函

云。與小承氣湯。

芒消半斤 甘草二兩 大黃四兩 去皮清酒洗

右三味。以水三升。煮取一升。去滓。內芒消。更煮兩沸。頓服。

太陽病。發汗後。大汗出。胃中乾。煩躁不得眠。欲得飲水者。少少與飲之。令胃氣和則

愈。若脈浮。小便不利。微熱消渴者。五苓散主之。方三十四。即豬苓湯是

豬苓十八銖 去皮 澤瀉一兩 六錢 白朮十八銖 茯苓十八銖 桂枝半兩 去皮

右五味。搗為散。以白飲和服。方寸匕。日三服。多飲煖水。汗出愈。如法將息。

發汗已。脈浮弦。通行本 誤作數 煩渴者。五苓散主之。三十五。用前第三十四方

傷寒汗出而渴。小便不利。通行本 闕行者。五苓散主之。不渴者。茯苓甘草湯主之。方三十六。

茯苓二兩 桂枝二兩 去皮 甘草一兩 炙 生薑三兩 切

右四味。以水四升。煮取二升。去滓。分溫三服。

中風發熱。六七日不解。而煩。有表裏證。渴欲飲水。水入則吐者。名曰水逆。五苓散主

之。三十七。

未持脈時。病人手又自冒心。師因教試令咳。而不咳者。此必兩耳聾無聞也。所以然者。以重發汗。虛故如此。發汗後。飲水多必喘。以水灌之亦喘。發汗後。水藥不得入口。爲逆。若更發汗。必吐下不止。

發汗吐下後。虛煩不得眠。若劇者。必反覆顛倒。

音到下同心中懊懣。上烏浩下奴冬切下同

梔子乾

薑湯

通行本誤作梔子鼓湯

主之。若少氣者。梔子甘草鼓湯主之。若嘔者。梔子生薑鼓湯主之。

三十八。

梔子乾薑湯

梔子

十四枚擘

乾薑

二兩

右二味。以水三升半。煮取一升半。去滓。分二服。溫進一服。得吐者。止後服。

梔子甘草鼓湯方

梔子

十四枚擘

甘草

二兩炙

香鼓

四合綿裹

右三味。以水四升。先煮梔子甘草。取二升半。內鼓。煮取一升半。去滓。分二服。溫進一服。得吐者。止後服。

梔子生薑鼓湯方

梔子

十四枚

生薑

五兩

香鼓

四合綿裹

右三味。以水四升。先煮梔子生薑。取二升半。內鼓。煮取一升半。去滓。分二服。溫進一服。得吐者。止後服。

發汗若下之。而煩熱胸中窒者。梔子鼓湯主之。方三十九。

梔子鼓湯方

梔子

十四枚

香鼓

四合綿裹

右二味。以水四升。先煮梔子。得二升半。內鼓。煮取一升半。去滓。分爲二服。溫進一服。得吐者。止後服。

傷寒五六日。大下之後。身熱不去。心中結痛者。未欲解也。梔子豉湯主之。四十。用前

方十九

傷寒下後。心煩腹滿。臥起不安者。梔子厚朴湯主之。方四十一。

梔子十四枚厚朴四兩炙枳實四枚水浸

右三味。以水三升半。煮取一分半。去滓。分二服。溫進一服。得吐者。止後服。

傷寒。醫以丸藥大下之。身熱不去。微煩者。梔子乾薑湯主之。四十二。用前第三十八方

凡用梔子湯。若病人舊微溏者。不可與服之。

太陽病。發汗。汗出不解。其人仍發熱。心下悸。頭眩身瞤動。振振欲擗一作地者。真武

湯主之。方四十三。

茯苓 芍藥 生薑各三兩切白朮二兩附子一枚炮去皮破八片

右五味。以水八升。煮取三升。去滓。溫服七合。日三服。

咽喉乾燥者。不可發汗。

淋家。不可發汗。發汗必便血。

瘡家。雖身疼痛。不可發汗。汗出則痊。

衄家。不可發汗。汗出必額上陷。脈急緊。直視不能眴。音喚。又胡絹切。下同。一作瞬。不得眠。

亡血家。不可發汗。發汗則寒慄而振。

汗家。重發汗。必恍惚心亂。小便已陰疼。與禹餘糧丸。方四十四。

禹餘糧丸方。通行本闕

禹餘糧四兩 人參三兩 附子二枚 五味子三合 茯苓三兩 乾薑三兩

右六味。蜜爲丸。如梧子大。每服二十丸。

病人有寒。復發汗。胃中冷。必吐蚘。一作逆。

本發汗而復下之。此爲逆也。若先發汗。治不爲逆。本先下之。而反汗之爲逆。若先下

之。治不爲逆。

傷寒。醫下之。續得下利。清穀不止。身疼痛者。急當救裏。後身疼痛。清便自調者。急當救表。救裏宜四逆湯。救表宜桂枝湯。四十五。用前第十二方

病發熱頭痛。脈反沉。若不差。身體疼痛。當救其裏。

四逆湯方 通行本 闕人參

人參 二兩 甘草 二兩 乾薑 一兩 附子 一枚 生用去皮破八片

右四味。以水三升。煮取一升二合。去滓。分溫再服。強人可大附子一枚。乾薑三兩。太陽病。先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。裏未和。然後復下之。

太陽病未解。脈陰陽俱停。一作微必先振慄汗出而解。但陽脈微者。先汗出而解。但陰

脈實。通行本誤作微。宋本有尺脈實五字注。者。下之而解。若欲下之。宜調胃承氣湯。用前第三十六方一云用大柴

胡湯

太陽病發熱汗出者。此為榮弱衛強。故使汗出。欲救邪風者。宜桂枝湯。四十七。方用前法
傷寒五六日。中風往來寒熱。胸脇苦滿。嘿嘿不欲飲食。心煩喜嘔。或胸中煩而不嘔。或渴。或腹中痛。或脇下痞鞭。或心下悸。小便不利。或不渴。身有微熱。或欬者。小柴胡湯主之。方四十八。

柴胡

半斤 黃芩

三兩 人參

三兩 半夏

半升

甘草

炙 生薑

各三兩

大棗

十二枚

右七味。以水一斗二升。煮取六升。去滓。再煎取三升。溫服一升。日三服。若胸中煩而不嘔者。去半夏。人參。加括蕒實一枚。若渴。去半夏。加人參。合前成四兩半。括蕒實四兩。若腹中痛者。去黃芩。加芍藥三兩。若脇下痞鞭。去大棗。加牡蠣四兩。若心下悸。小便不利者。去黃芩。加茯苓四兩。若不渴。外有微熱者。去人參。加桂枝三兩。溫覆微汗愈。若欬者。去人參。大棗。生薑。加五味子半升。乾薑二兩。

血弱氣虛。通行本誤作盡。腠理開。邪氣因入。與正氣相搏。結於脇下。正邪分爭。往來寒熱。休

作有時。嘿嘿不欲飲食。藏府相連。其痛必下。邪高痛下。故便嘔也。一云藏府相違。其病必下。脇膈中痛。

小柴胡湯主之。服柴胡湯已渴者。屬陽明。以法治之。四十九。用前方

得病六七日。脈遲浮弱。惡風寒。手足溫。醫二三下之。不能食。而脇下滿痛。面目及身

黃。頸項強。小便難者。與柴胡湯。後必下重。本渴飲水而嘔者。柴胡湯不中與也。食穀

者噦。

傷寒四五日。身熱惡風。頸項強。脇下滿。手足溫而渴者。小柴胡湯主之。五十。用前方

傷寒。陽脈濇。陰脈弦。法當腹中急痛。先與小建中湯。不差者。小柴胡湯主之。五十一。

用前方

小建中湯方

桂枝 三兩 去皮 甘草 二兩 炙 大棗 十二枚 擘 芍藥 六兩 生薑 三兩 切 膠飴 一升

右六味。以水七升。煮取三升。去滓。內飴。更上微火消解。溫服一升。日三服。嘔家不可用建中湯。以甜故也。

傷寒中風。有柴胡證。但見一證便是。不必悉具。凡柴胡湯病證而下之。若柴胡證不罷者。復與柴胡湯。必蒸蒸而振。却復發熱汗出而解。

傷寒二三日。心中悸而煩者。小建中湯主之。五十二。用前方第十一

太陽病。過經十餘日。反二三下之。後四五日。柴胡證仍在者。先與小柴胡。嘔不止。心

下急。一云嘔止小安。鬱鬱微煩者。為未解也。與大柴胡湯。下之則愈。方五十三。

柴胡 半斤 黃芩 三兩 芍藥 三兩 半夏 半升 生薑 五兩 枳實 四枚 大棗 十二枚 大黃 二兩

右八味。以水一斗二升。煮取六升。去滓再煎。溫服一升。日三服。通行本有一方加大黃二兩若不加

恐不為大柴胡湯十七字。按通行本方中闕大黃也。

傷寒。十三日不解。胸脇滿而嘔。日晡所發潮熱。已而微利。此本柴胡證。下之以不得

利。今反利者。知醫以丸藥下之。此非其治也。潮熱者實也。先宜服小柴胡湯以解外。後以柴胡加芒消湯主之。五十四。

柴胡 二兩十 黃芩 一兩 人參 一兩 甘草 一兩 生薑 一兩 芒消 二兩 大棗 四枚 半夏

二十銖本
云五枚洗

右八味。以水四升。煮取二升。去滓。內芒消。更煮微沸。分溫再服。不解更作。

傷寒。十三日。過經。讖語者。以有熱也。當以湯下之。若小便利者。大便當鞭。而反下利。脈調和者。知醫以丸藥下之。非其治也。若自下利者。脈當微厥。今反和者。此為內實也。調胃承氣湯主之。五十五。用前方第三

太陽病不解。熱結膀胱。其人如狂。血自下。下者愈。其外不解者。尚未可攻。當先解其外。外解已。但少腹急結者。乃可攻之。宜桃核承氣湯。方五十六。後云解外
宜桂枝湯

桃仁 五十箇 大黃 四兩 桂枝 二兩 甘草 二兩 芒消

去皮尖
去皮
去皮
炙

右五味。以水七升。煮取二升。去滓。內芒消。更上微火沸。下火。先食溫服五合。日三服。當微利。

傷寒八九日。下之。胸滿煩驚。小便不利。讖語。一身盡重。不可轉側者。柴胡加龍骨牡蠣湯主之。方五十七。

柴胡 四兩 龍骨

黃芩

生薑

人參

桂枝

去皮 茯苓

兩各一 半夏

半合二

半 大黃 二兩 牡蠣 半一兩

熬 大棗 六枚

鉛丹 半一兩

師自注云。卽鉛

化爲丹。可不用。

右十二味。以水八升。煮取四升。內大黃切如碁子。更煮一兩沸。去滓。溫服一升。本

云柴胡湯。今加龍骨等。

傷寒。腹滿讖語。寸口脈浮而緊。關上脈弦者。通行本闕。此肝乘脾也。名曰縱。刺期門。五十

八。

傷寒發熱。嗇嗇惡寒。大渴欲飲水。其腹必滿。自汗出。小便利。寸口脈浮而濇。關上弦

急者。

二句通
行本闕

此肝乘肺也。名曰橫刺期門五十九。

師自注曰。若小
便利。其病欲解。

太陽病。二日反躁。反熨其背而大汗出。火

通行本
誤作大。

熱入胃。

一作二日內燒瓦熨
背。大汗出。火氣入胃。

胃中水竭。躁煩。必發讖語。十餘日。振慄自下利者。此為欲解也。故其汗從腰以下不得汗。欲小便不得。反嘔欲失洩。足下惡風。大便鞭。小便當數而反不數。及不多。大便已。頭卓然而痛。其人足心必熱。穀氣下流故也。太陽病中風。以火劫發汗。邪風被火熱。血氣流溢。失其常度。兩陽相熏灼。其身發黃。陽盛則欲衄。陰虛小便難。陰陽俱虛竭。身體則枯燥。但頭汗出。劑頸而還。腹滿微喘。口乾咽爛。或不大便。久則讖語。甚者至噦。手足躁擾。捻衣摸床。小便利者。其人可治。宜人參乾地黃龍骨牡蠣湯主之。

方治通
行本闕。

人參乾地黃龍骨牡蠣湯方

通行
本闕

人參 三兩 乾地黃 半斤 龍骨 三兩 牡蠣 四兩 茯苓 四兩

右五味。以水一斗。煮取三升。分溫三服。

傷寒脈浮。醫以火迫劫之。亡陽。必驚狂。臥起不安者。桂枝去芍藥加通行本有蜀漆牡蠣龍

骨救逆湯主之。方六十。

桂枝三兩 去皮甘草二兩 炙生薑三兩 切大棗十二枚 擘牡蠣五兩 熬龍骨四兩 通行本有蜀漆 三兩 洗去腥

右六味。通行本 作七味。以水一斗二升。通行本多先煮蜀漆 減二升內諸藥 十字。煮取三升。去滓。溫服一升。

本云桂枝湯。今去芍藥加通行本多 蜀漆二字。牡蠣龍骨。

形作傷寒。其脈不弦緊而弱。弱者必渴。被火必譫語。弱者發熱脈浮。解之當汗出愈。太陽病。以火熏之不得汗。其人必躁。到經不解。必清血。名爲火邪。脈浮熱甚。而反灸之。此爲實。實以虛治。因火而動。必咽燥吐血。微數之脈。慎不可灸。因火爲邪。則爲煩逆。追虛逐實。血散脈中。火氣雖微。內攻有力。焦骨傷筋。血難復也。脈浮。宜以汗解。用火灸之。邪無從出。因火而盛。病從腰以下必重而痺。名火逆也。

欲自解者。必當先煩。煩乃有汗而解。何以知之。脈浮。故知汗出解。

燒針令其汗。針處被寒。核起而赤者。必發奔豚。氣從少腹上衝心者。灸其核上各一壯。與桂枝加桂湯。更加桂二兩也。方六十一。

桂枝五兩芍藥三兩生薑三兩切甘草二兩炙大棗十二枚擘

右五味。以水七升。煮取三升。去滓。溫服一升。本云桂枝湯。今加桂滿五兩。所以加桂者。以能泄奔豚氣也。

火逆下之。因燒針煩躁者。桂枝甘草人參通行本闕龍骨牡蠣湯主之。方六十二。

桂枝一兩去皮甘草二兩炙龍骨二兩熬牡蠣二兩熬人參三兩

右五通行本作四本味。以水五升。煮取二升半。去滓。溫服八合。日三服。

太陽傷寒者。加溫針必驚也。

太陽病。當惡寒發熱。今自汗出。反不惡寒發熱。關上脈細數者。以醫吐之過也。一二

日吐之者。腹中飢。口不能食。三四日吐之者。不喜糜粥。欲食冷食。朝食暮吐。以醫吐之所致也。此爲小逆。太陽病吐之。但太陽病當惡寒。今反不惡寒。不欲近衣。此爲吐之內煩也。

病人脈數。數爲熱。當消穀。引食而反吐者。此以發汗。令陽氣微。膈氣虛。脈乃數也。數爲客熱。不能消穀。以胃中虛冷。故吐也。

太陽病。過經十餘日。心中溫溫欲吐。而胸中痛。大便反澹。腹微滿。鬱鬱微煩。先此時自極吐下者。與調胃承氣湯。若不爾者。不可與。但欲嘔。胸中痛。微澹者。此非柴胡湯證。以嘔故知極吐下也。調胃承氣湯。六十三。用前方第三

太陽病。六七日。表證仍在。脈微而沉。反不結胸。其人發狂者。以熱在下焦。少腹當鞞滿。小便自利者。下血乃愈。所以然者。以太陽隨經瘀熱在裏故也。抵當湯主之。方六十四。

水蛭 熬

蝨蟲

各三十箇
去翅足熬

桃仁

二十箇
去皮尖

大黃

三兩
酒洗

右四味。以水五升。煮取三升。去滓。溫服一升。不下更服。

太陽病身黃。脈沉結。少腹鞭。小便不利者。爲無血也。小便自利。其人如狂者。血證諦也。抵當湯主之。六十五。
用前方

傷寒有熱。少腹滿。應小便不利。今反利者。爲有血也。當下之。不可餘藥。宜抵當丸。方六十六。

水蛭

二十箇
筒熬 蝨蟲 二十箇
去翅足熬

桃仁

二十五箇
去皮尖

右四味。搗分四丸。以水一升。煮一丸。取七合服之。晡時當下血。若不下者更服。太陽病。小便利者。以飲水多。必心下悸。小便少者。必苦裏急也。

按本卷訂正二十三字、刪九十四字、增經文二條、計四十字、增方三、計一百四十九字、共增二百零八字、

